

**KALIKATA LITTLE MAGAZINE LIBRARY-O-GABESHANA KENDRA**  
**18/M TAMER LANE, KOLKATA-700009**

Record No. : KLMLGK 2007/	Place of Publication : <sup>১৪৬৪৫০৫</sup> ১০২ গবর্নমেন্টাল, কলকাতা, গব-২৪
Collection : KLMLGK	Publisher : <sup>১৯৫৭</sup> ১৯৫৭ (১৯৫৭)
Title : <sup>কবিতা</sup> (KAVITA)	Size : 5.5" x 8.5"
Vol. & Number : 23/3 24/1 24/2 (Special No.) 24/2 (Special No.) 24/4 25/3	Year of Publication : March 1959 Sep 1959 Jan 1960 (১৯৫৯ জুলাই) (১৯৬০ জানুয়ারি)
Editor : <sup>১৯৫৭</sup> ১৯৫৭ (১৯৫৭)	Condition : Brittle / Good ✓
	Remarks :

C.D. Roll No. : KLMLGK



# কবিতা

আষাঢ় ১৩৬৭

রবীন্দ্রনাথের প্রবন্ধ ও গল্পশিল্প  
বুদ্ধদেব বসু

—  
ভেরলেন ও ভালেরি অনুবাদ

—  
গোবিন্দ মুখোপাধ্যায়, গোপাল ভৌমিক,  
বটকৃষ্ণ দাস, মানবেন্দ্র বন্দ্যোপাধ্যায়,  
অলোকরঞ্জন দাশগুপ্ত

—  
এক টাকা



## কবিতা

বর্ষ ২৪, সংখ্যা ৪, ত্রমিক সংখ্যা ১০২

আষাঢ় ১৩৬৭

রবীন্দ্রনাথের প্রবন্ধ ও গল্পশিল্প  
বুদ্ধদেব বসু

অলোকরঞ্জন দাশগুপ্ত, তারাপদ রায়, সমরেন্দ্র সেনগুপ্ত,  
লোকনাথ ভট্টাচার্য, বটকৃষ্ণ দাস, অমর ষড়ঙ্গী,  
অমিতাভ খাস্তগীর, মানবেন্দ্র বন্দ্যোপাধ্যায়,  
মণিভূষণ ভট্টাচার্য, আবুল কাশেম রহিমউদ্দীন,  
গোপাল ভৌমিক, মোহিত চট্টোপাধ্যায়

পোল ভেরলেন-এর দুটি কবিতা  
গোবিন্দ মুখোপাধ্যায়


ইন্দিরা দেবী স্মরণে  
অলোকরঞ্জন দাশগুপ্ত



## সম্ভ্রম সংস্কৃতির বাহন

তাঁর মনু আর চিত্র বদে, ইতবেল পেরে আরও প্রজ্ঞান।  
 মাজনের যন্ত্রাঙ্গিন তার বান সৌকর্ষে নার-কীকারে দেন দুখ  
 বসন্তে, তাঁর স্ফটান ঐতহা বেমাই গৌরবানিত করেছ  
 তকে। প্রাচীন ও নবীরে টানোয়ত্বনে সন্মুখ মল শিপের  
 আভজাতো এ দেশের মানসুকে সন্মুখ করে হোলার দায়  
 বেগপাই রহন করে চলাতে।

পূর্ব রে ল ও য়ে



কবিতা



কবিতা

আঘাট ১৩৬৭ বর্ষ ১৪

সংখ্যা ৪ ক্রমিক সংখ্যা ১০২

## রবীন্দ্রনাথের প্রবন্ধ ও গণশিক্ষা

বুদ্ধদেব বসু

রবীন্দ্রনাথ গল্প লিখেছেন কবির মতো। তাঁর গল্পের গুণ কবিতারই গুণ; বা কবিতা আমাদের দিতে পারে, তাই-ই তাঁর গল্পের উপদৌকন। যদি কোনো ষওপ্রলয়ে তাঁর সব কবিতার বই লুপ্ত হয়ে যায়, থাকে শুধু নাটক, উপন্যাস, প্রবন্ধ, তাহলে সেই প্রবন্ধ নাটক উপন্যাস থেকেই ভাবীকালের পাঠক বুঝে নিতে পারবে যে রবীন্দ্রনাথ এক মহাকবির নাম।

হ্যাঁ, প্রবন্ধ থেকেও বুঝে নিতে পারবে। প্রবন্ধ : যাতে স্পষ্ট কোনো বিষয় চাই, বিশেষ কোনো পদ্ধতি চাই, যাতে যুক্তির সিঁড়ি ভেঙে-ভেঙে মীমাংসার দিকে পৌছতে হয়—অস্বত সেইরকমই ধারণা করি আমরা— তাতেও এই অবিখ্যাত কবি পরতে-পরতে প্রবিষ্ট হয়ে আছেন; যে-কোনো বিষয়ে যে-কোনো আলোচনার বিষয়টাকে ছাপিয়ে ওঠে তাঁর স্বর, দ্রুতি, স্পন্দন, বেগ, তরঙ্গ—এক কথায়, তাঁর ব্যক্তিব্যঙ্গ। অর্থাৎ, প্রবন্ধ যেমনটি হওয়া উচিত নয় বলে আমরা জানি—অস্বতপক্ষে পাঠশালায় যা শেখানো হয়ে থাকে—তাঁর প্রবন্ধ ঠিক তাই।

যারা রবীন্দ্রনাথের প্রবন্ধের পক্ষপাতী নন, বা যারা মনে করেন আলোচনা-ধর্মী রচনায় কবিতার গুণ লেখ বলে গণ্য, অতএব বর্জনীয়, আমি তাঁদের কথা বেশ ব্যতে পারি। এমনকি তাঁদের কথায় সায় দিয়ে ফেলতেও লুপ্ত হয়েছি মাঝে-মাঝে। সত্যি তো—রবীন্দ্রনাথের প্রবন্ধে কত পুনরুক্তি, কত অবাস্তব অংশ, অনেক বলেও মীমাংসা যেন অস্পষ্ট থেকে যায়, গুরুমশাই-ধরনে ‘বুঝিয়ে’ যেন বলতে পারেন না। যুক্তির বদলে তিনি দেন উপমা, তথ্যের বদলে চিত্রকল্প; যেখানে পাঠককে স্বমতে টেনে আনা তাঁর প্রকাশ্য অভিপ্রায় সেখানে তিনি তীক্ষ্ণ করে তোলেন তার ইন্দ্রিয়গুলিকে; যেখানে বুদ্ধির কাছে প্রমাণ দিতে হবে সেখানে তিনি বেআইনিভাবে আমাদের স্বদয়ের আর্দ্রতা সম্পাদন করেন। সমাজ, রাজনীতি, শিক্ষা, ইতিহাস—এই সব



বিষয়ে, পূর্বোক্ত দুর্বলতা সত্ত্বেও, শব্দালংকার থেকে বক্তব্যকে তবু আলাদা করে নেয়া যায় ও চেনা যায়; কিন্তু—যা তাঁর প্রিয়তম ও অন্তরতম, সেই সাহিত্য বিষয়ে যখন আলোচনা করেন তখন কোনো বিশ্লেষণযোগ্য 'সারাংশ' যেন দুর্বল হয়ে ওঠে; তাতে থাকে না কোনো পরিষ্কৃত সংজ্ঞার বা বিধান; কোনো স্থল্পষ্ট স্বত্র ঘোষণা করতে তাঁকে অক্ষম বা অনিচ্ছুক বলে মনে হয়, কিংবা কখনো তা ক'রে ফেললেও নিজেই সেটাকে খণ্ডন করেন—হয়তো বা পরমুহূর্তেই। মানতেই হবে, যে-অর্থে আরিস্টটল, আনন্দবর্ধন বা মল্লিনাথ সমালোচক, সে-অর্থে রবীন্দ্রনাথ সাহিত্যের সমালোচক পর্যন্ত নন।

তা না-ই বা হলেন; ঐ পদবি তাঁর প্রাণ্য কিনা তা নিয়ে তর্ক করবো না আমরা। শুধু বলি: একাধারে সফোক্লস ও আরিস্টটল কি হওয়া যায়, বা একাধারে কালিদাস ও মল্লিনাথ—সেটা কি স্বাভাবিক, না কাম্য, না সম্ভব, না কি মর্তলোকের পক্ষে সহনীয়? আর-এক কথা: হোমর ও সফোক্লস যদি আগে জন্মে না যেতেন, তাহলে কোথায় থাকতেন আরিস্টটল; বাস্তবিক কালিদাস প্রভৃতি কবিদের সামনে না-রেখে কোনো আনন্দবর্ধনকে কল্পনা করতে পারি কি? সাহিত্যব্যাপারে সৃষ্টিকর্মই প্রধান ও প্রাথমিক, সমালোচনা তার অহুগামী মাত্র; এবং কোনো উত্তম সৃষ্টিশীল প্রতিভা যখন সমালোচনায় হাত দেন তখন তাঁর পক্ষে যা সম্ভব হ'তে পারে তা 'সমালোচনাকেই সৃষ্টিকর্ম করে তোলা।' এই কথাটা রবীন্দ্রনাথই বলেছিলেন; তাঁর প্রবন্ধের আলোচনায় এটি মনে রাখতে হবে। যেনে নিতে হবে, পণ্ড ও গল্প রচনা মিলিয়ে তাঁর ব্যক্তিত্বের যে-অখণ্ডতা প্রকাশ পাচ্ছে সেইটাই তিনি; কোনো পাঠকগোষ্ঠীকে খুশি করার জ্ঞত ছাড়া অজ্ঞ কিছুই তিনি হ'তে পারেন না; আমরা গ্রহণ করি বা না করি তিনি অনবচ্ছিন্নভাবে তিনিই থেকে যাবেন। তাঁর গল্প অতিভাবী? তাঁর কবিতাও তা-ই। অলংকারবহুল? অস্পষ্ট? উচ্ছ্বাসপ্রবণ? তাঁর কোনো-না-কোনো পর্যায়ের কবিতা বিষয়ে এর প্রত্যেকটি কথা সত্য। যেমন 'বসন্তধাপনের' মতো গল্পরচনায় তিনি প্রবন্ধের আকারে কবিতা লিখেছেন, তেমনি কবিতার আকারে প্রবন্ধ লিখেছেন 'এবারে ফিরাও

মোরে' বা 'বহুধরায়'। আমরা তাঁকে দোষ দিতে পারি সাহিত্যে বর্ণসংস্করতা ঘটিয়েছেন বলে; গভে কবিতার রীতি, ও কবিতায় গুণ বিষয়ের সঞ্চারণ ক'রে তিনি উভয়েরই ক্ষতি করেছেন এমন কথাও স্বীকার হ'তে পারে, কিন্তু শেষ পর্যন্ত যে-প্রশ্নটি সবচেয়ে জরুরি হয়ে ওঠে তা এই: আমরা তাঁকে বর্জন করতে পারি কি? রবীন্দ্রনাথের দোষগুলি শিশুদের মতো সরল, কোনো ভান নেই তাদের, আশ্চর্যোপনয়ের কোনো চেষ্টাই নেই, নিজের বাড়ির আড়িনায় বসে অত্যন্ত সহজে তারা খেলা করে, দর্শকের হাতে ধরা প'ড়ে যেতে ভয় করে না, ধরা প'ড়ে গিয়েও মলিন হ'তে জানে না। এক বিরাট প্রতিভার আশ্রয়ে খেয়ে-প'রে বড়ো হচ্ছে তারা; যেমন তাদের হ্রাসপ্রাপ্তির লক্ষণ নেই, তেমনি তাদের উৎসস্থল সেই প্রতিভাও পরাক্রান্ত; প্রয়োজন হ'লে তা বজ্রপাতের মতো অবিখ্যাসীকে বিদীর্ণ করতে পারে। রবীন্দ্রনাথ সেই লেখক, যার দোষ আমরা যে-কেউ যে-কোনোদিন ধরতে পারি, আর থাকে না-হ'লে আমাদের কারোই এক মুহূর্ত চলে না। আর এখানেই তাঁর চরম জয় যে তিনি অপরিহার্য: তাঁর দোষগুলিকে ছাড়াতো গেলে তাঁকেই ছেড়ে দিতে হয়, তাই সব দোষ নিয়েই—যখন মনে-মনে তাঁর 'বিরুদ্ধে' তর্ক করছি ঠিক তখনই সব দোষ নিয়েই তাঁকে বরণ ক'রে নিতে হবে; উৎকর্ষের অজ বহু উদাহরণ তাঁকে জ্ঞান ক'রে দিতে পারে না, যেমন পারে না বহু তীর্থের ক্ষতি গৃহদেবতাকে অপস্থত করতে।

কিন্তু কোন অর্থে অপরিহার্য, কোন অর্থে গৃহদেবতা? তিনি 'কথা ও কাহিনী' না-লিখলে মধ্য বিখ্যালেয় পড়াবার মতো ভালো বাংলা কবিতার বই পাওয়া যেতো না, সেইজ্ঞত? 'জ্ঞানগণমন' রচনা না-করলে সর্বভারতে সর্বতোভাবে গ্রহণযোগ্য জাতীয় সংগীত দুস্পাপ্য হ'তো, তাই? 'গীতবিতান' প্রণয়ন না-করলে উৎসবে, অন্নপ্রাশনে, শ্রাদ্ধবাগনে, ও চলচ্চিত্রে নায়িকা-কর্তৃক গীত হবার মতো সংগীতের অভাব ঘটতো বলে? না কি তাঁর প্রবন্ধের ভাণ্ডার থেকে বক্তৃতায় ও সাংবাদিক রচনায় উজ্জ্বলযোগ্য বচন আমরা অনবরত পেয়ে যাচ্ছি, সেইজ্ঞত? বাংলাদেশে ও সর্বভারতে তাঁর



যে-প্রাতিষ্ঠানিক মূর্তি স্থাপিত হয়েছে—যাকে বিগ্রহ বললে ভুল হয় না—তার উপর জোর দিতে চাচ্ছি না আমি; যেখানে আমরা উঠতে-বসতে তাঁর নাম করছি, প্রায় যে-কোনো অল্পষ্ঠান আরম্ভ করছি তাঁকে স্মরণ করে, প্রায় যে-কোনো মতবাদের সমর্থকরূপে দাঁড় করাচ্ছি তাঁকে, সেখানে তিনি সর্বজননের স্বতঃপ্রাপ্ত আশ্রয়, আমাদের আত্মসম্মানের পক্ষে প্রয়োজনীয়, মহিমার একটি প্রতীকরূপে সর্বভারতের পক্ষে অপরিহার্য। কিন্তু ও-রকম বিনাব্যয়ে কোনো পাঠক তাঁকে পেতেই পারেন না (কেমনা পাঠক হ'তে হ'লে নিজের উপর দায়িত্ব নেবার শক্তি চাই); তাঁর রচনার মধ্যে প্রবেশ করতে হ'লে তাঁকে উপার্জন করে নিতে হবে আমাদের; তিনি যে একজন বড়ো কবি বা ভালো কবি, এই মোটা কথাটাও আমাদের আবিষ্কারমাপেক্ষ। আর, একজন পাঠক হিশেবেই আমি বলতে চাই যে দোঁয় তাঁর স্বভাবই দেখতে পাওয়া যাক, তাঁকে না-হ'লে আমাদের এক রঙ চলবে না।

কিন্তু এক বাছাই-করা রবীন্দ্রনাথ কি সম্ভব হয় না? আমরা কি পেতে পারি না বাহুল্য বাদ দিয়ে তাঁর বাণী, উজ্জ্বল বর্জন করে উপলব্ধি, কিংবা তাঁর 'শ্রেষ্ঠ' রচনার সমাহার? সেটা সম্ভব নয় বলতে পারি না, বরং আমরা মানতে বাধ্য যে তাঁর মতো অতিপ্রজ্ঞ লেখকের পক্ষে সংকলন একটি উপকারী চিকিৎসা। সে-দিকে তাঁর নিজের ও অল্পরাণী সম্পাদকদের প্রয়াস দেখা গেছে, সাহিত্য-আঁকাদেমির এই গ্রন্থেও\* সে-চেষ্টা প্রতীয়মান। ভাবীকালেও, তাঁর রচনা থেকে চয়নের প্রয়োজন নিরন্তর অস্বত্ব হ'বে মনে হয়, কেমনা তাঁকে বিভিন্ন দিক থেকে দেখতে আমরা অস্বস্তি হয়েছি; কোনো বিদেশী অথবা নতুন পাঠকের কাছে তাঁকে উপস্থিত করতে হ'লে প্রথমেই তাঁর বহুমুখিতা ও বৈচিত্র্যের পরিচয় দিতে চাই—'জানেন তো, তিনি স ব র ক ম লেখা লিখেছেন, আর প্রায় এমন কোনো বিষয় নেই যা নিয়ে 'লেখেননি' পাছে কেউ ভাবে যে তিনি শুধু কান্তকোমল পদাবলি লিখেছেন তাই আমরা

\* সাহিত্য-আঁকাদেমি কর্তৃক প্রকাশিত রবীন্দ্রনাথের 'নিপুণমালা' দ্বিতীয় খণ্ডের ভূমিকা।

চেষ্টা করি তাঁর সমাজবিষয়ক প্রবন্ধগুলিকে তুলে ধরতে; পাছে কারো ধারণা হয় যে ঈশ্বরকে ভালোবাসার ফলে জগৎটাকে তিনি দেখতে পাননি তাই আমরা 'গল্পগুচ্ছ' খুঁটে-খুঁটে তাঁর বাস্তববোধের উদাহরণ বের করি। এই সবই সংকর্ষ, তাঁর বিষয়ে আলোচনার পক্ষে প্রাসঙ্গিক, কিন্তু তাঁকে প্রদক্ষিণ করার পরে বিভিন্ন অংশগুলির মধ্যে সম্বন্ধস্থাপনে যখন উজ্জত হই তখনই ধরা পড়ে যে গভীরতম অর্থে তিনি কবি, কবি ছাড়া আর-কিছুই নয়। এক উৎস থেকে, একই উৎসাহের প্রেরণায়, তাঁর বিখ্যাত ভিন্ন-ভিন্ন 'দিক'গুলি বিকীর্ণ-ঐক্যি যে-ভাবে 'নিরঞ্য়ের স্বপ্নভঙ্গ' কবিতায় বলা আছে—থোপে-থোপে ভাগ-করা নয় তাঁর, সাময়িকভাবে জুড়ে-দেয়া কিন্তু আসলে সম্পর্করহিত অনেকগুলো গাটিকে একত্রনের মতো টেনে নিয়ে যাচ্ছে না; তাঁর সব বৈচিত্র্য যেন প্রতিহত ও অপ্রতিরোধ্য জলস্রোতের গতিভঙ্গি। 'কবি রবীন্দ্রনাথ', 'ঐতিহাসিক রবীন্দ্রনাথ', 'প্রাবন্ধিক রবীন্দ্রনাথ'—এই বিভাগগুলিকে তাই অস্বীকার না-ক'রেও শেষ পর্যন্ত স্বীকার করা যায় না; পরস্পরে প্রতিষ্ঠে তারা, পরস্পরের উদ্দীপক ও পরিপূরক, এবং এক অখণ্ড সত্তার প্রতিকরূপ। যে-মৌলিক উপাদানে রবীন্দ্রনাথ গঠিত সেটা কবিত্বশক্তি, সেটাই তাঁর গণ্ডরচনাকে মগ্ৰাণ ও সার্থক করে তুলেছে; আঁগুন যেমন যে-কোনো ইন্ধনে ভাসায়, তেমনি তাঁর কবিপ্রতিভাও যে-কোনো রূপকরে প্রদীপ্ত। দীপ্তির তারতম্য নিশ্চয়ই আছে; নিশ্চয়ই 'সোনার তরী' কাব্যগ্রন্থে ও 'আত্মশক্তি' প্রবন্ধমালায় কবিত্বের একই প্রকার ঘনতা নেই; কিন্তু কবিতার দ্বারা স্পষ্ট ব'লেই তাঁর প্রায় যে-কোনো সন্দর্ভে কিছু-না-কিছু যৌবনশোণিতা লক্ষ করা যায়—হৌক না তার প্রসঙ্গ পুরাতন বা বর্তমান স্থপরিচিত বা উপদেশ আঙ্কের দিনে অস্বস্তির। হাড়ে-হাড়ে কবি নয় এমন কেউ কি লিখতে পারতেন 'ছেলে-ভুলানো ছড়া'র মতো, সমালোচনা বা 'বাংলা ভাষাপরিচয়ের' মুখবন্দ, বা 'সংজ পাঠের' মতো বর্ণপরিচয়পুস্তক? 'কবিতা আছে ভাষার সর্বত্র—ছন্দ থাকলেই কবিতা থাকবে—সর্বত্র আছে, নেই শুধু বিজ্ঞাপনে ও সংবাদপত্রে। সাহিত্যের যে-বিভাগটিকে আমরা "গণ্ড" নাম



## কবিতা

আষাঢ় ১৩৬৭

দিয়েছি তাতেও কবিতা আছে—মাঝে-মাঝে খুব ভালো কবিতা—নানা রকম ছন্দে তারা রচিত। আসলে গল্প বললে কিছু নেই : আছে বর্ণমালা, আর নানা ধরনের কবিতা, কোনোটি শিথিল, কোনোটি সংহত, কোনোটি বা একটু বেশি ছড়িয়ে-বাওয়া। 'বেখানে স্টাইলের দিকে প্রবৃত্ত, সেখানেই পদবিচাস।' স্তোকান মালার্দের এই উক্তির প্রমাণস্বরূপ কোনো-একজন—সারা জগতের মধ্যে কোনো-এ কজন কবিকে যদি দাঁড় করাতে হয়, তাহ'লে সেই কবি—মালার্দের নন, তাঁর শিষ্য পোল ভালেরিও নন—তর্কাতীতরূপে তিনি রবীন্দ্রনাথ। কেননা মালার্দের ও ভালেরির গল্প তাঁদের কবিতার মতোই সাংকেতিক, গল্পরচনার বিষয়গুলিও 'বিশুদ্ধ' ও নির্ভার—বলতে গেলে তাঁদের কবিতা ছাড়া বিষয় নেই, আর কবিতার বিষয়ে কবির মতো লিখতে গেলে অন্ততগক্ষে ব্যবহারিক প্রতিবন্ধক অল্পই থাকে। কিন্তু রবীন্দ্রনাথ গল্প লিখেছেন সাধারণ ভাষায়, অনেক সময় নিরুৎসাহজনক সাংসারিক বিষয় নিয়ে (সমসাময়িকীতি বিষয়েও তাঁর প্রবন্ধ আছে), গল্পকে কবিতার স্তরে উন্নীত করার সচেতন চেষ্টা ব্যর্থতার আগে তাঁকে করতে দেবি না। অথচ, যেহেতু স্টাইল তাঁর পক্ষে স্বাভাবিক, ছন্দ তাঁর মজাগত, তাই তাঁর সমগ্র গল্পের মধ্যে এমন লেখা আপেক্ষিক অর্থে অল্পই (কিছু নেই তা নয়), যা প্রতিদ্বন্দ্বি তোলে না, বেশ বেধে যায় না, স্পন্দিত হয় না স্বরণে, দেয় না সেই অপার্থিব অল্পভূতি আমরা যার নাম দিয়েছি আনন্দ। এমন ক'রে তাঁর গল্পের ভিতরে কবিতাকে পাচ্ছি—'মাঝে-মাঝে খুব ভালো কবিতা, কোনোটি শিথিল, কোনোটি সংহত, কোনোটি বা একটু বেশি ছড়িয়ে-বাওয়া।'

২

'নিবন্ধমালা'র এই পণ্ডের প্রবন্ধগুলিকে পাঁচ অংশে ভাগ করা হয়েছে : 'স্বাস্থ্যপরিচয়', 'পত্রধারা', 'ভ্রমণ', 'ভাষা ও সাহিত্য' ও 'বিচিত্র'। অংশের শিরোনাম থেকেই তার অন্তর্ভুক্ত রচনাগুলির প্রকৃতি অহমান ক'রে নেয়া

## কবিতা

বর্ষ ২৪, সংখ্যা ৪

যাবে; শুধু 'বিচিত্র' অংশ বিষয়ে একটু বলা দরকার। এই বিশেষণটি রবীন্দ্রনাথ নিজেই ব্যবহার করেছিলেন—তাঁর 'বিচিত্র প্রবন্ধ' ১৩১৪ বঙ্গাব্দে প্রকাশিত হয়; তাঁর দৃষ্টান্ত অহমারে আমরা সেই সব রচনাকে 'বিচিত্র' বলে অভিহিত করছি, যেগুলোকে অল্প কোনো বিভাগের মধ্যে সঠিকভাবে বোলা যায় না। আমরা বলতে চাচ্ছি, এই অংশের রচনাগুলিতে রচনাটাই প্রধান, বিষয়টা উপলক্ষ মাত্র; যে-কোনো একটি প্রবন্ধ অবলম্বন ক'রে লেখক বিস্তার ক'রে দিলেন তাঁর ভাবনা ও কল্পনা, তাঁর মূল্যবোধ ও পক্ষপাত। এই ধরনের রচনার জন্ম আধুনিক বাংলা ভাষায় একটি নতুন নাম উদ্ভাবিত হয়েছে—'রম্যরচনা' : কবিশ 'বেল্-লেখ'-এর অল্পকরণ এটি; কেউ-কেউ ব'লে থাকেন—বা আগে বলতেন—'ব্যক্তিগত প্রবন্ধ'। নতুন নামকরণের বিপদ এই যে তা অধোগ্যকে আকর্ষণ করে, 'রম্যরচনা'কেও—বাংলা ভাষায় তার সাম্প্রতিক প্রাদুর্ভাব দিয়ে বিচার করলে—অক্ষমের আশ্রয়স্থল বলাই ইচ্ছে হ'লে অস্বাভাবিক হয় না। ধারা কবিতা প্রবন্ধ উপভাস কিছুই লিখতে পারেন না, এবং সত্যিকার সাংবাদিক পর্যন্ত নন, ধাঁদের না আছে তথ্য বা জ্ঞান, না উদ্ভাবনশক্তি বা কলানৈপুণ্য, সংগঠিতকণা ক'রে কোনো বিষয়ে এক দণ্ড চিন্তা করতে, বা পরস্পর ধ্রুটে ব্যাক্তা রচনা করতে ধারা স্বভাবগুণে অক্ষম, তাঁদের বিশুদ্ধ প্রগল্ভতা ছাপার অক্ষরে উদ্ধৃত হ'য়ে উঠতে পারতো না, যদি না 'রম্যরচনা' শব্টির সৃষ্টি হতো। কিন্তু যেহেতু বহু নিরুপস্থ রচনা প্রেশ্বর পাচ্ছে সেহেতু আমরা বলতে পারি না যে ঐ শব্দই পরিত্যাজ্য, বা গল্পরচনার ঐ বিশেষ রূপের স্তম্ভ নেই। 'কবিতা' নামে প্রকাশিত অধিকাংশ রচনাই কবিতা নয় এটা যদি মেনে নিতে পারি, তাহ'লে অধিকাংশ 'রম্যরচনা' যদি রম্য না হয়, বা রচনাও না হয়, তাহ'লে অত্যন্ত বেশি বিচলিত হ'লে চলবে কেন? নতুন নামকরণের পারিভাষিক গুচিচ্য নিয়ে তর্ক উঠতে পারে, কিন্তু নতুন নামকরণের প্রয়োজন নেই বললে ভুল করা হয়। যৌগোপীয় ভাষায় 'essay' বলতে বিশেষ এক প্রকার সাহিত্যগুণসম্পন্ন রচনাকেই বোঝায়, কিন্তু আমাদের 'প্রবন্ধ' (সংস্কৃত থেকে যার অর্থ ছিলো পঠে বা গণ্ডে



যে-কোনো রচনা) শব্দের অর্থ এত বেশি ব্যাপক যে এক-এক সময় তাকে সীমিত ক'রে না-নিলে ঠিক কাজ চলে না। 'নাতিদীর্ঘ সাহিত্যগুণসম্পন্ন গল্প রচনা' অর্থে 'essay' শব্দটি প্রথম ব্যবহার করেন মিশেল মঁতেন—সাহিত্যের এই রূপটিও তাঁরই আবিষ্কার; পরবর্তী চারশো বছরে উদ্ভূত অল্প বহু উদাহরণের সঙ্গে পরিচয়ের ফলে আমাদের দিনের পশ্চিমী পাঠকরা 'essay' শব্দটি দেখলেই বুঝতে পারেন কী-ধরনের রচনা পরিবেশিত হচ্ছে। যদি কোনো জীববিজ্ঞানী সর্বাঙ্গী প্রাণীদের পাকস্থলী বিষয়ে কোনো গবেষণা প্রকাশ করেন, বা কোনো ধর্মবিদ গ্রন্থন করুন খৃষ্টীয় তত্বের এক নতুন ব্যাখ্যা, বা কোনো ইতিহাসের অধ্যাপক রূপ বিপ্লবে লেনিন ও উটস্কির ভূমিকার তুলনামূলক আলোচনা করেন—এর কোনোটিকেই কোনো পশ্চিমী পাঠক 'essay' বলবেন না; ও-সব জ্ঞানগর্ভ, বিবিধবন্ধ ও উদ্দেশ্যনির্ভর রচনার জ্ঞান 'monograph', 'dissertation', 'tract', 'treatise' প্রভৃতি অল্প বহু শব্দের প্রচলন আছে। কিন্তু আমাদের ভাষার রবীন্দ্রনাথের 'পঞ্চভূত'ও প্রবন্ধের বই, স্বামী বিবেকানন্দের 'ভক্তিব্যাগ'ও তা-ই, আর বিজ্ঞানাগর মহাশয়ের 'বিধবাবিবাহবিষয়ক প্রস্তাব'কেও, অল্প কোনো নামের অভাবে, 'প্রবন্ধ' না-ব'লে উপায় নেই। অস্বীকার করা যায় না, আরো দু-একটা ব্যবহারযোগ্য শব্দ হ'লে ভালো হয়।

যা দেখতে-সুনেতে প্রবন্ধের মতো, এ-রকম গল্পরচনার মধ্যে ছুটো স্পষ্ট ভাগ দেখা যাচ্ছে : তার একটাতে বিষয় হ'লো সর্বস্ব বা মৃত্যু, লেখক দেখানো নতুন জ্ঞান দিতে চাচ্ছেন, বা নতুন মত প্রচার করা তাঁর অভিপ্রায়। এ-সব রচনার সূচনা, মধ্যভাগ ও সমাপ্তির একান্ত নির্দেশক হলো বলব্য; প্রতিপাদ্য প্রমাণ করার জ্ঞান যে-ক'টি মূল্য ও উদাহরণের প্রয়োজন, লেখক তা পূর্বেই সংগ্রহ ক'রে নিয়েছেন—'লেখক' হিসেবে তাঁর সমস্তা শুধু সেই উপাদানগুলিকে ভাষার মধ্যে সংবদ্ধ করা;—ভাষা তাঁর কাছে বাহনমাত্র, অপরিহার্য যন্ত্র একটি—বলতে গেলে তাঁর উপাদানসমূহের শৃঙ্খলাসম্বন্ধই তাঁর রচনা। আর অল্পটিতে বিষয়টা গোঁপ; লেখক রচনাকর্ম শুরু করার আগে—তাঁর বাঁচ,

মেলানেশা ও সাধারণ পড়াশুনার বাইরে—কোনো 'গবেষণা' করেননি; কোনো পূর্বনির্দিষ্ট ধারণা বা সমাজের পক্ষে হিতকারী কোনো উদ্দেশ্য নিয়েও লিখতে বলেননি তিনি; লিখতে-লিখতে ভাবনা আসে তাঁর, নিজেই অহসরণ ক'রে প্রসঙ্গ থেকে প্রসঙ্গান্তরে চ'লে যান; তাঁর সূচনা, মধ্যভাগ ও সমাপ্তির পিছনে থাকে—'বলব্য'কে উপহিত করার গরজ নয়, সেই সব অমোঘ ও অলক্ষ্য বিধান, যা কোনো কবিতা, নাটক বা উপন্যাসকে নিয়ন্ত্রিত করে। তাঁর ভাষার থাকে রূপ, ছন্দ ও স্বাভূত, পাঠকের সঙ্গে তাঁর ব্যবহারে থাকে সৌজ্ঞ, অসজ্ঞ, হাস্যরসবোধ, জগতের সঙ্গে তাঁর ব্যবহারে থাকে সংস্রাব ও দুঃকল্পনা। শিরোনামায় যে-'বিষয়ের' উল্লেখ থাকে তা নিয়ে যতটা বলেন, হয়তো ততটাই থাকে তাঁর নিজের কথা; আমরা জ্ঞানতে পারি কী-ভাবে এই জগৎ তাঁর চেতনার মধ্যে প্রবেশ করছে, কোথায় তাঁর প্রেয়, কোন সংশয়ে তিনি দংশিত, কোন গোপন বেদনাকে রচনার মধ্য দিয়ে পরিপাক ক'রে নিচ্ছেন। অর্থাৎ, বিষয় যা-ই হোক না, তিনি ব্যক্ত করছেন নিজেই (এই সূত্রটিও মঁতেনের), আর এই অর্থে তাঁর রচনা ব্যক্তিগত বা ব্যক্তিনির্ভর, বলা যেতে পারে তাঁর ব্যক্তিত্বেরই দর্পণ। মঁতেন নিষ্ঠুরভাবে 'আমি' শব্দ ব্যবহার করেছেন, রবীন্দ্রনাথের 'আমরা'টিও 'আমির' একটি বিময়ী ও চতুর প্রকরণ; এবং এই 'আমি'—গীতিকাব্যের বক্তার মতোই—দেশ-কালের বিশেষ লক্ষণস্বারা চিহ্নিত হ'য়েও বিশ্বমানবের প্রতিভূ। জীববিজ্ঞানী যখন সর্বাঙ্গী প্রাণীর পাকস্থলী বিষয়ে 'প্রবন্ধ' লেখেন তখন তাঁর ব্যক্তিত্বের একটামাত্র অংশকে উজোগী হ'তে হয়, কিন্তু অল্প যে-ধরনের প্রবন্ধের আমরা বর্ণনা করছি, তাঁর লেখকের সমগ্র সত্তা থেকে নিঃসৃত; শুধু বুদ্ধির বা চিন্তের নয়, সেটা প্রাণের ও অন্তঃকরণেরও কাজ; যে-মাহুয় তার শিশুকন্টার বিনোদের জ্ঞান মেঝেতে হামাগুড়ি দেয়, সর্দির ভয়ে মাঝা শীত স্নান করে না, অবসর পেলেই মহাভারত পড়ে, আলকাংরার গন্ধ ভালোবাসে—সেই ইঞ্জিয়বদ্ধ অসংগতিময় মাহুয়টিও তাতে সঞ্চারিত ও প্রতিফলিত হচ্ছে। যাকে বলে বৈজ্ঞানিক দৃষ্টি তা এই বিরাট জগতের একটি বিচ্ছিন্ন কণিকার উপর সংহত হ'য়ে থাকে,



অত্র সব-কিছুর অস্তিত্ব সেখানে লুপ্ত; নিরঞ্জন জ্ঞান সেই দৃষ্টিতে ধরা পড়ে। আমরা যাকে প্রবন্ধকার বলছি, তিনি এই বিচ্ছেদপ্রবণ ঐকান্তিক দৃষ্টি থেকে বঞ্চিত। জগৎটা তার বিচিত্র উপাদান নিয়ে তাঁর চৈতন্যের উপর অনবরত আঘাত করছে; স্বহৃৎসুখে আকাজক্ষায় স্পন্দমান রক্তমাংসের মাহুথকে তিনি কখনো ভোলেন না;—আর তাই তাঁর রচনা হয়ে ওঠে—সত্য নয়, জীবন্ত, শিক্ষণীয় নয়, নন্দনজনক; তাতে থাকে না কোনো অযোযুক্তি, কোনো ধ্রুব স্ফীমাংসা, নিশ্চিতভাবে কিছুই বলেন না তিনি; কিন্তু এমন কতগুলো ইন্দ্রিত বিকার্য করে দেন যা সহৃদয় পাঠকের মনে বীজের মতো উড়ে এসে পড়ে—হয়তো ছড়িয়ে দেয় শিকড়, হয়তো কোনোদিন সেখানেও এক নতুন ভাবনাকে ফলিয়ে তোলে। বিজ্ঞানীর মতো কোনো প্রস্তুত সত্য তিনি অস্ত তুলে দেন না আমাদের হাতে—দিতে পারেন না; তিনি পাঠককে তাঁর সহকারী করে নেন; যা তিনি আভাসে বলেন, উপমায বলেন, বলেন গুণ্ডরণে ও বর্নহিল্লোলে, তার ‘অর্থ’ পূর্ণতা পায় পাঠকের মনে—যদি পাঠক অযোগ্য না হন।

অতিরঞ্জন হচ্ছে কি? বড় বেশি দাবী করা হচ্ছে? কিন্তু আমি তো কোনো আদর্শ স্থাপন করছি না, রবীন্দ্রনাথেরই বৈশিষ্ট্যের বর্ণনা করছি। এই প্রবন্ধ—বা প্রবন্ধের এই বিশেষ ধরন—স্নোয়েপে মরেন যার সঠা—আমাদের সাহিত্যে তার মহাশিল্পী হলেন রবীন্দ্রনাথ। এতে সিদ্ধান্তের পক্ষে যে-সব গুণ প্রয়োজনীয় বা কাঙ্ক্ষণীয় মনে হ’লে পারে, তাঁর প্রতিভায় সেগুলোর সন্নিপাত ঘটেছিলো। শুধু ‘বিচিত্র’ নামধারী আশ নয়, এই গ্রন্থের সব রচনাই পূর্বোক্ত গুণসম্পন্ন; সবই সৃষ্টিশীল সাহিত্য; তাদের মূল্য রচনার মধ্যেই, আবেগবস্তুর মতো নয়;—এমনকি তাঁর সামাজিক, রাজনৈতিক, ঐতিহাসিক প্রবন্ধের মধ্যে বেগুনি কালপ্রভাবে মলিন হ’য়ে যায়নি, সেগুলোতেও এই একই লক্ষণ বিদ্যমান। কেননা রবীন্দ্রনাথ সেই লেখক, যার পক্ষে যে-কোনো সময়ে শিল্পী না-হওয়া দুঃসাহ্য ছিলো, যার কোনো-কোনো প্রবন্ধগ্রন্থে (যেমন ‘ছন্দ’, ‘বাংলা ভাষাপরিচর’) আমরা পাই গবেষণা ও নন্দনধর্মিতার সমন্বয়,

বিশ্লেষণদক্ষতার সঙ্গেই কবিতার উদ্বোধনীশক্তি। সাহিত্যের নিয়ম ও সংজ্ঞাগুলিকে তিনি সাবলীলভাবে অতিক্রম করে যান: তাঁর আত্মজীবনী, ভ্রমণপঞ্জি ও চিঠিপত্রের আশাচরুপ তথ্য পাই না আমরা; পাই না সমালোচনার যথাযোগ্য তথ্যকথা। পক্ষান্তরে, সমালোচনার মধ্যে আত্মজীবনীর অবতারণা করতে বাধে না তাঁর, ভ্রমণপঞ্জিতে ভ্রমণ তুলে গিয়ে জীবন, মৃত্যু ও শিল্পকলা বিষয়ে দৃবকল্পনাকে প্রশ্রয় দেন। কোনো পাঠক তুলেও যেন না ভাবেন যে তাঁর ‘সমালোচনা’-চিহ্নিত বইগুলিতেই সাহিত্যবিষয়ে তাঁর সব বক্তব্য বিধৃত হয়ে আছে, বা তাঁর ‘জীবনস্মৃতি’ ও ‘ছেলেবেলা’র বাইরে আর কোথাও আত্মজীবনী নেই। সাহিত্য বিষয়ে তিনি কী ভেবেছেন তা সম্পূর্ণভাবে জ্ঞানতে হ’লে তাঁর চিঠিপত্র, আত্মজীবনী ও ভ্রমণপঞ্জিও পড়তে হবে, আর তাঁর জীবন বিষয়েও যথেষ্ট আমরা জানতে পাবে না যদি-না তাঁর সমালোচনার প্রতি মনোযোগী হই। এই গ্রন্থের বিভাগগুলি করা হয়েছে স্ববিধের জ্ঞত বা নিয়মবন্ধার খাতিরে; আসলে এই সব প্রবন্ধই পরস্পর-সম্পৃক্ত।

৩

এবং তাঁর কবিতার সঙ্গেও এদের সম্বন্ধ নিবিড়। কবিদের বিষয়ে সাধারণভাবেই সত্য এই কথা, কিন্তু সব কবির কবিতা ও গল্পরচনা একই ভাবে অধিত হয় না। যেমন রিলকের বিষয়ে, তেমন রবীন্দ্রনাথের বিষয়ে আমরা বলতে পারি না যে তাঁর কবিতা হৃদয়ঙ্গম করতে হলে তাঁর পত্রাবলির সঙ্গে পরিচয় অত্যাবশ্যক। মালার্দে বা ভালোরির মতো নন তিনি: ঘুরিয়ে, ফিরিয়ে, বেকিয়ে, পেঁচিয়ে, লুকিয়ে, ভুলিয়ে, ছলে, কৌশলে, সংকেতে, ফাঁদ পেতে—শিল্পকলার এমন একটি ভাবমূর্তি গড়ে তোলেন না, যা তাঁর স্বীয় কবিতার সঙ্গে অবিকল মিলে যায়। ইয়েটসের মতো আমাদের নিয়ে যান না তাঁর কবিতার অন্ত:পুরে; কবিজীবনের বিবৃতিকল্পে ‘জীবনস্মৃতি’ নিঃসন্দেহে নৈরাশ্র-জনক। রবীন্দ্রনাথ যা করেছিলেন তা পুনরুক্তি; একই কথা পড়ে ও গড়ে বলেছিলেন; পরস্পরের পরিপূরক শুধু নয়, তাঁর কবিতা ও গল্প এক-এক



সময় প্রায় বিনিময়ধর্মী। পাছে, যারা আধুনিক কবিতায় দীক্ষিত, এক-কথা শুনে রবীন্দ্রনাথের প্রতি তাঁদের শ্রদ্ধা ক'রে যায়, তাই এখানে উল্লেখ করি যে শার্ল বোদলেয়ার—আধুনিক কবিতার আদি উৎস যিনি—তাঁর গঞ্চেও তাঁর কবিতার প্রতিচ্ছবি বিরল নয়; প্রবন্ধের মধ্যে কবিতার স্তবক স্বল্প রচনা ক'রে দেন তিনি, ছিটিয়ে দেন কবিতার ভাণ্ডার থেকে আনৃত চিত্রকর, শব্দবন্ধ ও অলংকার, কখনো-কখনো একই উপাদান থেকে রচনা করেন তাঁর কবিতা ও সমালোচনা। দুই কবিতে প্রভেদ এইখানে—আর এই প্রভেদ তাৎপর্যময়—যে একই কথা রবীন্দ্রনাথ গঞ্চে বলেছেন কম কথায় আর কবিতায় কলোচ্ছাসে, আর বোদলেয়ার গঞ্জ লেখেন সবিস্তারে, কিন্তু কবিতায় তিনি কঠিনরূপে সংহত। 'জীবনশক্তি'র 'মৃত্যুশোক' অধ্যায়ে রবীন্দ্রনাথ দুটিমাত্র অহুচ্ছেদে যা বলেছিলেন, 'বলাকা' কাব্যগ্রন্থের শ্রেষ্ঠ অংশ তারই ব্যাখ্যা ও সম্প্রসারণ; কিন্তু বোদলেয়ারের শিল্পবিষয়ক প্রচুর সমালোচনার নির্ধাশ তাঁর 'আলোকগুণ্ড' ('Les Phares') কবিতার এগারোটি চতুঃপদীতে বিধৃত আছে। বোদলেয়ারের গঞ্জ যেন তাঁর ছুটির ঘণ্টা—এই রকম মনো হয় আমাদের: ছন্দ, মিল ও স্তবকবিষ্ঠাসের ক্ষমাহীন শর্তপূরণের পরে, চতুর্দশপদীর ব্যূহের মধ্যে আদর্শকে সংবদ্ধ করার অকল্পিত প্রয়াসের পরে, গঞ্চে যেন নিজেই নিম্নুতি তেনি তিনি; সেটা তাঁর বিনোদ ও বিচরণের ক্ষেত্র, কৌতুকের মণ্ডপ এবং বিচারবুদ্ধির মৃগয়াভূমি; অর্থাৎ, তাঁর ব্যক্তিত্বের যে-অংশ সামাজিক, রসিক ও তৎদর্শী, যা তাঁর কবিতার প্রচ্ছন্ন থেকে কবিতাকে মেঘচ্ছুরিত গৌত্বের মতো রঞ্জিত ক'রে তুলেছে, তাঁর স্বাধীন ক্রীড়া গঞ্জপ্রবন্ধে তাঁর অল্পমত ছিলো। বোদলেয়ারের গঞ্জ যত ভালোই হোক, তাঁর কবিতার বিকল্প বা সমকক্ষ হবার দাবি তা করে না; কিন্তু রবীন্দ্রনাথ তাঁর কবিতাকে সংবৃত্ত করার চেষ্টা করেননি বলে, কখনো-কখনো তাঁর কবিতা ও গঞ্জের পার্থক্য চিহ্নিত হয়েছে শুধুমাত্র গঞ্জছন্দের ব্যবহার অথবা পংক্তিবিন্যাসের অসমমাত্রিক পদ্ধতির দ্বারা। 'পূর্বনী' থেকে 'জন্মদিনে', এই পর্যায়ের মধ্যে বহু কবিতা আমরা খুঁজে পাই, যা গঞ্জ একই প্রকার বা অধিকতর মনোরম ক'রে রবীন্দ্রনাথ

লিখতে পারতেন বা লিখেই গিয়েছেন; 'পশ্চিমযাত্রীর ভায়ারি'র অনেক অংশকে প্রায় সঙ্গ-সঙ্গেই ছন্দে-মিলে রূপায়িত করেছেন তিনি, 'শেষের কবিতা'র গঞ্জশিল্প অনেক স্থলে কবিতাকে মান ক'রে দিচ্ছে; গঞ্জকবিতা 'বাসা' একখানা পত্রের সংস্কারসাধন; এবং পরবর্তী পত্রাবলিতে এমন কোনো-কোনো চমকপ্রদ বাক্য আমরা পাই, বা পলাতক ক্ষণকালীন ভাবচ্ছায়া, যাকে কাব্যরূপ দিতে গিয়ে তাঁকে কষ্টকল্পনার আশ্রয় নিতে হয়েছে। রবীন্দ্রনাথের সমগ্র কবিতা ও সমুদ্র গঞ্জ পাশাপাশি বেধে চিন্তা করলে আমরা দেখতে পাই যে তাঁর কবিতা ও গঞ্চে বিবর্তন সমান্তর নয়; তাঁর হাতে গঞ্জ যে-ভাবে বারে-বারে পরিবর্তিত হয়েছে, কবিতা সে-রকম হয়নি; কবিতায় তিনি যেন প্রকৃতির হাতে অভিব্যক্ত এক সম্রাট, পত্তাকাংরে যা-কিছু লিখবেন তা-ই কবিতা হবে, বা তা না-হ'লেও অন্ততপক্ষে উপাদান হবে, এই রকম একটা বিধান তিনি নিজেও প্রায় মেনে নিরোইছিলেন; কিন্তু গঞ্চে তিনি অনেক বেশি সচেতন শিল্পী, নিজেকে নিজে লজ্জন করতে অনবরত গচেষ্ট।

এমনি ক'রেই বাংলা সাহিত্যে এই অঘটন ঘটলে যে আমাদের ভাবার যিনি কবিগুরু, এবং যার সমকক্ষ কবি আবহমান ভারতে আর নেই, তিনিই আমাদের গঞ্জরীতির স্রষ্টা। 'স্রষ্টা' কথাটিতে ঐতিহাসিক দিক থেকে আপত্তি হতে পারে; বলা বাহুল্য, বিগ্ণাসারণ ও বন্ধিমচন্দ্রকে আমি ভুলে থাকি না; আমি বলতে চাচ্ছি যে বন্ধিম থেকে আজকের দিন পর্যন্ত বাংলা গঞ্জ যে-ভাবে বিবর্তিত ও রূপান্তরিত হয়েছে, এবং আজকের দিনে আধুনিক বাংলা ভাষা বলতে যা বোঝায়, তার সাক্ষ্য, প্রমাণ ও উদাহরণের প্রধান ভাণ্ডার রবীন্দ্রনাথ। 'বৌঠানুরানীর হাট' থেকে 'শেষের কবিতা', বা 'বিচিত্র প্রবন্ধ' থেকে 'ছেলেবেলা': এই গ্রন্থপর্ধ্যায় বাংলা গঞ্জের ইতিহাসকে ধারণ ক'রে আছে; বন্ধিমী ও বীরবলী গঞ্জ, 'শাবু' ও 'চলিত' ভাষা, ঘরোয়া, বৈঠকি ও দরবারি রীতি, প্রাচীন, আধুনিক ও আধুনিকতর শৈলী: এই তাঁর পঞ্চাশ বছরের কৃত্তিকে বাংলা গঞ্জের অণুবিধ বলতে পারি আমরা, হয়তো মহাবিধ বললেও ভুল হবে না। এর মধ্যে সবই আছে: ভারি, হালকা, গম্ভীর, চপল,



সংস্কৃত ও দেশজ, সমতল ও বন্ধুর; অত্মাক্তি, বক্তোক্তি ও স্বভাবোক্তি; আছে বহু মিশ্র রাগিণী; সার্বিক মিভাচারের পাশে বিলাসীর উচ্ছ্বাস, সামাজিক সৌজ্ঞেয় পাশে ঐশ্বরের আত্মবিকিরণ। 'জীবনস্থিতির পরিমিত, যথোচিত, প্রাঞ্জল ও প্রায় গজ ধীর রচনা, তাঁকে আমরা আঠারো-শতকী ইংরেজি অর্থে 'ভয়লোক' বলতে পারি; কিন্তু তার পরে হঠাৎ 'ঘরে বাইরে' খুললে অনঙ্গরূপের আতিশয্যে আমাদের প্রায় দম আটকে আসে; মনে হয়, কালিদাসের ভাষা যদি বাংলা গজ হ'তো তাহ'লে তিনি যে-কাব্য লিখতেন, এ যেন তা-ই। আবার 'লিপিকা'য় আমরা জড়ুকের এক উন্টো খেলা দেখতে পাচ্ছি; 'ঘরে বাইরে'র প্রায় সমকালীন এই গজকে বলতে ইচ্ছে করে মনোনয় অর্থে 'মেয়েলি': যেন ললনাকুলের মৌখিক ভাষার প্রাম্যতাদোষ নিদ্বাশিত ক'রে রবীন্দ্রনাথ ছেকে নিয়েছেন তার ঋজুতা, লাভণ্য ও সারল্য; যা নিতান্ত প্রাকৃত, তারই উন্নয়নজনিত এই সম্মোহন পূর্ববর্তী 'ভাকঘরে'ও তিনি ঘটিয়েছিলেন। শুধু তাঁর লেখা প'ড়ে বাংলা গজের সবগুলি সবিজ্ঞ ধারাকে আমরা জানতে পারি, এবং ঐতিহাসিক ও অত্যাচ্য কারণে অজ্ঞ কোনো বাঙালি লেখক সন্দেহে একথা বলা যায় না। আমাদের গজের অবিকল দর্পণরূপে তাঁকে স্বীকার না-ক'রে আমাদের উপায় নেই।

যেবনে রবীন্দ্রনাথ বন্ধিমের অহঙ্করণ করেছেন, মধ্যযুগে প্রমথ চৌধুরীর প্রভাব তাঁকে স্পর্শ করে, এবং এ-দু'জন ছাড়া তাঁর সমকালীন বা পূর্বসূরীর মধ্যে আর কেউ নেই, ধীর সন্দে গজশিল্পের দিক থেকে তাঁর তুলনা সম্ভব। সেইজ্ঞত, যদি আমরা অন্বেষণ করি তাঁর 'বন্ধিমা' গজ কোথায় বন্ধি থেকে স'রে এসেছে, আর তাঁর 'দবুজপত্র' যুগের রচনাই বা কোনদিক থেকে অ-প্রামথিক, তাহ'লে হয়তো ধরা পড়বে তাঁকে বাংলা গজের স্রষ্টা বলার সংগত কারণ আছে কি না। সেই পার্থক্যটি, আমাদের মনে হয়, এই। বাংলা গজের রমণীয়তা বন্ধিমের দান, তাঁর আগে ঐ গুণটি দেথা দেয়নি, এবং তাঁর উপত্যাস ও 'কমলাকান্ত' প্রত্যুতি প্রবন্ধ রমণীয় গজের রচিত ব'লেই আজ পর্বস্তু অন্নান। কিন্তু এই রমণীয়তা পজের অবমর্গ। অর্থাৎ, বন্ধিমের গজে

মাঝে-মাঝেই পছন্দনের বোল শোনা যায়, পজের ধ্রুবপদের মতোই তাতে অহলাণী অংশ অবিরল, তাঁর কোনো-কোনো বাক্য প্রায় পয়ারের পংক্তি হ'তে পারে—অন্ততপক্ষে মধ্যগুণে তাদের উন্মুখতা স্পষ্ট, এবং আঠারো-শতকী ইংরেজি দশমাতার পজের মতো উক্তি ও প্রত্যুক্তির দোঁটানার মধ্যে তাদের অবস্থান। তাঁর বাক্যগুলি ঋজু, শিক্ষিত সৈন্যদলের মতো তারা তালে-তালে পা ফেলে চলে, তাদের শৃঙ্খলা ও পারস্পর্য যুক্তিনির্ভর, অভিপ্রায়ের ঐক্যের দ্বারা তারা সংবদ্ধ। এবং, সমগ্রভাবে দেখতে গেলে, প্রমথ চৌধুরীর চরিত্রলক্ষণও এই: বাক্যবন্ধের এই ঋজুতা, এই যুক্তিনির্ভর বাগহক্রম। 'সাদু' ও 'চলিত' ভাষা-সম্পৃক্ত বাদ্যদ্বাদের ফলে এই সাদুগুটি আমরা বহুদিন পর্বন্ত লক্ষ করিনি; কিন্তু আজকের দিনে, যখন ঐ গৃহযুদ্ধ অবসিত হয়েছে, তখন 'লোকরহস্ত' বা 'বিবিধ প্রবন্ধের' পরে 'হাল-খাতা' বা 'নানা চর্চা' পড়লে সহজেই ধরা পড়ে যে এই দু-জনের গজের চলন একই ধরনের, গঠনেও উল্লেখযোগ্য তফাৎ নেই। কিন্তু এ'দের পরে রবীন্দ্রনাথ খুললে তৎক্ষণাৎ এক ভিন্ন হর ধরনিত হয়; আমরা অহতব করি আর-একটি গুণ যাকে দীপ্তি বা শৃঙ্খলা বা রমণীয়তা বললে যথেষ্ট হয় না, যাকে বলতে হয় প্রবাহ বা প্রবহমানতা—যা রবীন্দ্রনাথের পূর্বনত গজে নেই, পর্ববর্তী সব গজেও লক্ষণীয় নয়।

বন্ধিমে, বা পূর্বসূরি বিভাগসাগরেও, গতি আছে; কিন্তু যাকে আমি রবীন্দ্রনাথের প্রবাহ বলছি তা ভিন্ন প্রকৃতির; এবং এই প্রভেদের আকার খুব বড়ো না-হ'লেও প্রকরণে তা দূরস্পর্শী। রবীন্দ্রনাথের গজের যেটি কল্প বা ইউনিট সেটি বাক্য নয়, অহচ্ছেদ; একসঙ্গে এক-একটি অহচ্ছেদে তিনি চিন্তা করেন, এবং অহচ্ছেদগুলির যোগফলের চাইতে তাঁর সমগ্র রচনাটিকে বড়ো ব'লে মনে হয়। বাক্যের সঙ্গে বাক্যের, বা অহচ্ছেদের সঙ্গে অহচ্ছেদের সন্মন্ধের জর্জ ব্যাকরণের বা যুক্তির যোগই যথেষ্ট, এবং তার দ্বারাও উৎকৃষ্ট গজ সম্ভব হয়ে থাকে; কিন্তু রবীন্দ্রনাথে সেই যোগস্বত্রটি এমন এক রহস্তময় প্রাণস্পন্দন, যাকে আমরা অবশেষে ভাষার ধরনিস্পন্দন



বলেই চিনতে পারি। তাঁর বাক্যপর্ষায় শুধু সামিধ্যগুণে প্রতিবাদী নয়, একটি অবিচ্ছেদ্য ধারাবাহিকতায় অজ্ঞোচ্ছিন্ন; তারা একে অন্নের অহমসরণ-মাত্র করে না, গড়িয়ে-গড়িয়ে পরস্পরকে যেন স্পর্শ করে থাকে; জীবের অঙ্গপ্রত্যঙ্গের মতো তারা মননীয়, তারা লীলা জানে, ব্যত্যয় ঘটতে ভয় করে না, মানসাম্য ভেঙে দিয়ে আশাতীতকে সম্ভব করে তোলে। তাঁর একই রচনার মধ্যে নিঃসংকোচে পাশাপাশি স্থান করে নেয় ক্ষুদ্র ও সরল, এবং জটিল ও দীর্ঘায়িত বাক্যবিভাগ; তাঁর ছুটি প্রতিবেশী বাক্য একই ভাবে আরম্ভ বা শেষ হয় না; স্বরান্ত ও হলন্ত শব্দের সম্মিলনে তিনি যেন অচেতনভাবেই ব্যবধান রক্ষা করে চলেন, একই স্বরের পৌনঃপুনিকতা সৃষ্টি করেন না; ক্রতি, বৈচিত্র্য ও ঐশ্বরের সাধনায় স্বীকার করে নেন ইংরেজি ধরনের অঘর—যা তাঁর আগে বন্ধি ও বিভাগসাগরও করেছেন, কিন্তু পার্থক্য, সর্বনাম ও ব্যুৎক্রমের ব্যবহারজনিত যার পূর্ণ রূপটি রবীন্দ্রনাথের আগে প্রতিভাত হয়নি, যদিও সমালোচকেরা তাঁকে ভুলে গিয়ে কখনো-কখনো এমনও বলেছেন যে কতিপয় অযোগ্য আধুনিক লেখকই বাংলা গঞ্জে ইংরেজি রীতির প্রবর্তক। কিন্তু ইংরেজি তো আর নেই, সেটাই বিশুদ্ধ বাংলা হয়ে গেছে, কিংবা ধরনটাকে হয়তো ইংরেজি বলাই ভুল; কেননা কমা-সেমিকোলনাদি বিরতিচিহ্ন বাংলা গঞ্জ যেদিন স্বীকার করে নিলে, সেদিনই বলে দেয়া যেতো যে, আপন প্রতিভার নির্বন্ধই, সে বছলাপ রূপকরণে অজ্ঞ আধুনিক ভাষার প্রতিযোগী হয়ে উঠবে। অন্ততপক্ষে রবীন্দ্রনাথের পরে এ-কথা নিতান্ত অগ্রাহ্য যে এক-দাঁড়ি-দুই দাঁড়ি-নির্ভর কৃত্তিবাদী পয়াদের সঙ্গে বাংলা গঞ্জের কোনো সম্বন্ধ আছে, কিংবা ‘খাটি বাংলা অঘর’ নামক অল্প কোনো পদার্থ আর সম্ভবপর। বরং আমাদের এ-কথাই তর্কাতীত বলে মনে হয় যে রবীন্দ্রনাথের এই সমস্ত নূতনত্বের যা উৎস ও আশ্রয়, তা বাঙালির মূলের ভাষার নিজস্ব ও মৌলিক ছন্দ; যে-স্বরে আমরা স্বাভাবিকভাবে কথা বলি, যে-ভাবে আমাদের কণ্ঠধরের উত্থান-পতন ঘটে থাকে—আমাদের আবেগ ও নৈরাগ্ন্য, শংশয়,

উত্তেজনা ও দীর্ঘশ্বাস, এই সব-কিছুর এক আদর্শ ধর্মনিরূপের নামান্তর হ'লে রবীন্দ্রনাথের গঞ্জ। এবং এই থাকে ছন্দ বলছি তা পঞ্জের নয়, গঞ্জেরই ছন্দ, পারিভাসিক বাথার্থের খাতিরে তাকে ছন্দস্পন্দ বলতে পারি; তাতে পঞ্জের বা গানের মতো ভাল নেই, কিন্তু রাগসংগীতে আলাপের মতো লয় আছে; রবীন্দ্রনাথের অসামান্য কৃতিত্ব এইখানে যে আজীবন কবির মতো গঞ্জ লিখেও, গঞ্জে—এমনকি গঞ্জকবিতায়—পঞ্চছন্দের প্রতিক্রমিক তি নি স্থান দেননি। শ্রীযুক্ত অতুলচন্দ্র গুপ্ত নিতুল বলেছেন যে তাঁর গল্প ‘মহাকবির গঞ্জ, স্বতরাং কোথাও গঞ্জগদ্য নয়।’ এই ‘স্বতরাং’টি অর্থময়।

## ৪

এই ছন্দোনিষ্কির জগ্গই রবীন্দ্রনাথের মুক্তি চর্চল হ'লেও প্রবন্ধ ভেঙে পড়ে না, ঘটনাগত বাথার্থের অভাবসম্বন্ধে উপস্থান অরপীয় হয়, এবং নাটক অজ্ঞাত কারণে ছুসহ বোধ হ'লেও উল্লেখযোগ্যতার মর্খাদা পায়। ব্যতিক্রম নেই তা নয়; ‘নবীন’, ‘বীশরি’ ও অংশত ‘তিন সদ্য’র গঞ্জকে কৃত্তিমতার পরাকাষ্ঠা বলতে আমি দ্বিধা করবো না; বাংলা ভাষার স্বাভাবিক ছন্দের উপর ঠার স্বাভাবিক ঐশিখ ছিলো তিনি কেমন করে ও-সব গ্রহ প্রণয়ন করতে পারলেন তা উত্তরপুরুষের সমগ্রা হ'য়ে থাকবে। রবীন্দ্রনাথের যে-একটি লক্ষণ আমাদের অস্থহীনভাবে বিখিত করে রেখেছে তা তাঁর আপতিক স্বতঃস্ফূর্তি; ক্লাস্ত মুহূর্তে তিনি বরং নিজের অচুকরণ করেছেন কিন্তু চেটাঙ্কত নূতনত্ব ঘটতে চাননি; আর সেইজগ্গই ‘বীশরি’ বা ‘তিন সদ্য’কে অমন চরিত্রচ্যুত মনে হয়, তাতে পদে-পদে পাঠককে চমকে দেবার যে-প্রয়াস আছে তা ক্রিষ্ট ও ক্রেশকর বলেই গভীরতম অর্থে অ-রাবীন্দ্রিক। অথচ প্রায় একই সময়ে রচিত ‘বিখপরিচয়’ ও ‘ছেলেবেলা’তে গঞ্জভঙ্গির একই প্রকার নূতনত্ব থাকলেও কৃত্তিমতার নিগীড়ন নেই; তার কারণ আমরা এই মনে হয় যে রবীন্দ্রনাথ ঠাকুর রবীন্দ্রনাথের সজনত ভাষা ব্যবহার করলে মানিয়ে যায়, কিন্তু গল্পনাটকের পাত্তপাতীর মুখে তা অবিখাশ। কাল্লনিক



চরিত্রের মুখে চরিত্রশোভন ভাষা বসাতে গিয়ে রবীন্দ্রনাথ অনেক সময়ই ব্যর্থ হয়েছেন, নাটকরচনায় এইটেই তাঁর বিয় ছিলো; 'ভাকঘরের' ক্ষুদ্র আয়তনের মধ্যে তা প্রকট হয়নি, কিন্তু 'রাজা' থেকে 'রক্তকরবী' পর্যন্ত যেখানেই আছে জনতা বা প্রাকৃতজন সেখানেই তাদের কথা শুনে আমাদের মনে হয় যে এদের কোনো নিজস্ব সত্তা নেই, এরা কর্তার হাতের ক্রীড়নক মাত্র। বস্তুত, রবীন্দ্রনাথের গল্প সবচেয়ে প্রামাণিক ও স্বচ্ছন্দ হয়ে ওঠে, যখন তিনি নিজের জীবনিতে কথা বলতে পারেন; তাই তাঁর শ্রেষ্ঠ রচনার মধ্যে অবশ্যম্ভাব্য তাঁর 'গল্পগুচ্ছ', তাঁর উপন্যাসের বর্ণনার অংশ, এবং তাঁর প্রবন্ধপর্ষায়, চিত্রিপত্র ও আত্মজৈবনিক রচনাবলি। অন্তত এগুলো থেকে বাছাই করে নিলে আমরা গভীরশিল্পী রবীন্দ্রনাথের প্রকৃত পরিচয় পেতে পারি।

প্রবন্ধরচনার একটি গভীরগতিক পদ্ধতির সঙ্গে আমরা পরিচিত আছি : মাস্টার মশাই ছাত্রকে বলেন, অমুক-অমুক পুস্তক পাঠ করে এই বিষয়ে প্রবন্ধ লিখে আনো; এবং ছাত্র যদি প্রমাণ করতে পারে যে উল্লিখিত বই ক-টি সে পড়েছে, পড়ে অন্তত অংশত বুঝেছে, এবং সেই বোধটুকু তার 'স্বীয় ভাষায়' প্রকাশ করতেও অপারগ হয়নি, তাহ'লেই সে পর্যালম্বন ছাত্র বলে গণ্য হ'লে। আমরা ধ'রে নিতে পারি যে উত্তরকীর্তনে নিজে অধ্যাপক হ'য়ে সে এই পদ্ধতির ব্যাপকতর ব্যবহার করবে, শতাধিক পুস্তক অধ্যয়ন করে রচনা করবে নূতন গ্রন্থ, তাঁর অধ্যাপনার ফলে কোনো-একটি সীমিত বিষয়ে আমাদের জ্ঞান বর্ধিত হবে। সম্ভবত সেই বিষয়টি হবে অ-সামান্য, অর্থাৎ সাধারণ সাহিত্যলিপির পক্ষে মনোজ্ঞ নয়, কিন্তু বিশেষজ্ঞের আদরণীয়। এ-ধরনের পুস্তক তার নিজের ক্ষেত্রে মূল্যবান, কিন্তু ততদিনই মূল্যবান যতদিন সেই বিশেষ বিষয়টিতে নূতনতর জ্ঞান সংকলিত না হয়। কিন্তু প্রবন্ধরচনার অত্র একটি উপায় আছে, সেই উপায় প্রতিভাবানের। কোনো-এক স্তর নূহুর্তে লেখক তাঁর স্বজ্ঞার দ্বারা অকস্মাৎ একটি সত্যকে অল্পভব করেন—সেটা 'সত্য' কিনা তাও সঠিকভাবে বলা যায় না, শুধু এটুকু বলা যায় যে তাঁর অল্পভূতিটা সত্য। সেইদিক প্রকাশ করার জ্ঞ শে-সব তথ্য,

যুক্তি ও উদাহরণ তিনি উপস্থিত করেন, সেগুলিও নির্ধারিত বা স্বচিন্তিতভাবে আহরিত নয়, তাঁর উৎসাহের তাপে যাকিছু মনে পড়ে যায় প্রায় তা-ই তিনি নিবিচারে গ্রহণ ক'রে থাকেন। এই ধরনের প্রবন্ধের বৈশিষ্ট্য এই যে যুক্তি অথবা তথ্যে ভ্রান্তি ধরা পড়লেও রচনাটি অনাহত থাকে, কেননা তাদের মৌলিক অল্পভূতিটি প্রমাণনির্ভর নয়, সংক্রামক, অতএব চিরকালই মূল্যবান। উদাহরণত, রবীন্দ্রনাথের 'ভারতবর্ষীয় ইতিহাসের ধারা' নামক প্রবন্ধটির উল্লেখ করতে পারি; আজকের দিনে তাঁর প্রতিটি তথ্য যদি পণ্ডিতেরা বাতিল ক'রে দেন তবু সেটিকে বর্জন করতে পারবো না আমরা, ভারতবর্ষীয় সভ্যতা বিষয়ে লেখকের দৃষ্টি আমাদের মুগ্ধ ক'রে রাখবে। এবং এই দৃষ্টি এ-অর্থে মত্ব যে কোনো-এক সময়ে কোনো-এক পুরুষ তাঁর প্রভাবে ভারতের একটি সমগ্র রূপ উপলব্ধি করে থাকতেন। যেখানে উপলব্ধি আছে সেখানে আমরা তর্ক করতে তুলে যাই।

এই ধরনের সমালোচনাকে বিশ্বধর্মী বা ইম্প্রেশনিষ্টিক আখ্যা দিয়ে অনেকে এর মর্বাদালাঘবের চেষ্টা ক'রে থাকেন। কিন্তু এখানে প্রশ্ন তোলা উচিত : বিশ্বটি কার মনে প্রতিভাত হচ্ছে? তা যদি হন কোনো সমকালীন মান্ত্যবিকের লেখক, যিনি পাঠকের সঙ্গে পাঁচ মিনিট গালগল্প ক'রে প্রস্তুত জানিয়ে দিতে ভালোনা না যে কোনো-একটি বই পড়ে তাঁর 'কেমন লাগলো', তাহ'লে এ-বিষয়ে আলোচনার কোনো প্রয়োজন দেখি না। কিন্তু যদি তা হন কোনো আলাপচারী স্ত্রীমুগ্ধ জনসন, বা বুদ্ধ গ্যেটে, বা সম্মুখক জন কীটস, বা বোদলেয়ার অথবা টোমাস মান্—কিংবা রবীন্দ্রনাথ ঠাকুর, তাহ'লে এই তথাকথিত বিধকে আর অশ্রদ্ধা করার উপায় থাকে না; আমরা দেখতে পাই যে কোনো-একটি ভাব, তাঁদের মনে বিধিত হয়েছে ব'লেই, ব্যঙ্গনায় গাঢ় হ'য়ে উঠেছে; এঁদের একটি অসমতর্ক মূহুর্তের মুখের কথা, বা ক্ষুত্ররচিত পত্রের কোনো উক্তি—কখনো-কখনো তাও যেন অর্থে ও ইঙ্গিতে সমন্ব। এর পরে আমাদের অনিচ্ছাসত্ত্বেও মানতেই হয় যে ভগবানের রাজ্যে স্বচিচার বলে কিছু নেই; যে প্রতিভা নামক রহস্যময় ব্যাপারটি অজ্ঞায়ভাবে



আমাদের উপর জিতে যায়—নির্দিষ্ট শাস্ত্রমুহ না পড়েও, বয়সে প্রায় নাবালক হয়েও, এমনকি আলোচ্য বিষয়টিতে অভ্যস্ত জ্ঞান নিয়েও—সাবলীলভাবে আমাদের উপর জিতে যায়। ধারা নিজেরা সৃষ্টিশীল প্রতিভাবান লেখক তাঁরা সাহিত্য বা আত্মজ্ঞিক বিষয়ে যা বলেন তাঁর মূল্য স্বতঃসিদ্ধ বলে তুল হয় না; কেননা আমরা দেখতে পাই যে পণ্ডিতেরা যুগে-যুগে তাঁদের উচ্চির ভাঙ্গা রচনা করেন, কিন্তু পণ্ডিতের গবেষণার সঙ্গে পরিচয়স্থাপন কবিদের পক্ষে প্রয়োজনীয় হয় না।

কবি-সমালোচকের মন কী-ভাবে কাজ করে, আমাদের ভাষায় রবীন্দ্রনাথ তাঁর অতুলনীয় নিদর্শন। তাঁর প্রবন্ধে উপমার প্রাচুর্য দেখে কেউ-কেউ বলেছেন যে তিনি স্থানে-অস্থানে অস্বাভাবিক 'কবিত্ব' করে থাকেন। একথাটাই ঠিক নয়; আমাদের স্বর্ভাবা যে উপমা ভিন্ন দর্শনশাস্ত্র অচল, উপনিষদ ও শ্রেণী থেকে আরম্ভ করে তার উদাহরণ অপর্বাণ। বরং এটাই লক্ষণীয় যে রবীন্দ্রনাথের যৌবনকালীন সামাজিক ও রাজনৈতিক প্রবন্ধ রীতিমতো তাত্ত্বিক ভাষায় রচিত, যাকে গল্পভর গল্প বলা যায় তাও তিনি অনেক লিখেছেন; বস্তুত, 'সবুজপত্রের আগে পর্ষদ প্রবন্ধ বা কথাসাহিত্যে তাঁর কবিত্বতা সম্পূর্ণ নিষ্কৃতি পায়নি। অথচ তাঁর যে-কোনো পর্ষদের রচনায় আমরা একজন কবির উপস্থিতি অহতব করি; তাঁর কারণ তাঁর মনের বিদ্রাব্ধমিতা। যেন বিদ্রান্তের উদ্ভাসের মতো তিনি মুহূর্তে তাঁর মূল চিন্তাটিকে আমাদের মনের সামনে উপস্থিত করেন: আলোচ্য বিষয় যাই হোক না, রাজনীতি বা ধর্ম, শিক্ষা বা ইতিহাস, তিনি ভৎসনাপূর্ণ বিষয়টির একেবারে মর্মস্থলে চ'লে যান; পাঠকদের মধ্যে ধারা বিশেষজ্ঞ তাঁরা নতুন কোনো তথ্য না-পেলেও নতুন একটি দৃষ্টি লাভ করেন; আর ধারা তাঁর সঙ্গে একমত হ'তে পারেন না তাঁরা দেখতে পান যে তাঁদের স্বতন্ত্র সপক্ষে নতুন মুক্তি ঐ রচনা থেকেই আহরণ করা সম্ভব। রবীন্দ্রনাথ সেই স্রষ্টাদের অচ্ছত্তম ধারা বুলিয়ে দেন আমরা যাকে 'মতামত' বলি সেটি সবচেয়ে অকিঞ্চিৎকর সামগ্রী; আসল কথা অস্তদৃষ্টি—সেই 'বিষ' বা বিষয়গ্রহণের সহজ ক্ষমতা, যা বিসয় ও বিষয়ীকে

যুগপৎ উদ্ঘাটিত করে। যেহেতু রবীন্দ্রনাথ একজন অত্যন্ত ঔৎসুক্যজনক ব্যক্তি, তাই তিনি যে-কোনো বিষয়ে যা-কিছু বলেন প্রায় তাতেই আমাদের ঔৎসুক্য অনিবার্য।

এখানে বলা দরকার যে তাঁর সাহিত্য ও বস্তুত্বের আলোচনায় আমরা প্রথম থেকেই একটি ভিন্ন স্বর লক্ষ করি; এখানে তাঁর কবিত্বের কাজ বেশি, উপমা আরো প্রচুর, মীমাংসা আরো অনিশ্চিত, এবং উপস্থাপনা—শাণ্ডীয় আদর্শে দেখলে—সবচেয়ে কম তুলিকর। তাঁর প্রথম উল্লেখযোগ্য সমালোচনা-গ্রন্থ 'পঞ্চভূত' সংক্ষেপে আমরা নিশ্চিত হ'তে পারি না এটি 'সমালোচনা' না কি 'বিচিত্র' বিভাগে অঙ্গীকারযোগ্য; এদিকে 'বিচিত্র প্রবন্ধের নামেই যদিও 'বিচিত্র' আছে, তবু সেটিকে অনেকাংশে রসতত্ত্বের বিচার বলে তুল হয় না—বিখ্যাত 'কেকাধনি' প্রবন্ধ তেও রীতিমতো নন্দনতত্ত্বের অস্থূলন। পরবর্তী গ্রন্থগুলিকে 'প্রাচীন সাহিত্য', 'আধুনিক সাহিত্য', 'সাহিত্য', 'সাহিত্যের পথে', এই ধরনের স্থপ্তে নাম দিয়ে তিনি পাঠক, সম্পাদক, ছাত্র ও অধ্যাপকের হৃদিকে ক'রে দিয়েছেন, কিন্তু এখানেও তাঁর লেখার ধরনে 'শোনাটা, বলছি' ভাবটা নেই, নিজেসঙ্গে সত্য ও জ্ঞানের ভাঙার বলে ধ'রে নিয়ে পাঠককে শিক্ষিত করার ভঙ্গি নয় তাঁর; যেমন 'পঞ্চভূতে' ভিন্ন-ভিন্ন 'চরিত্রের সাহায্যে ভিন্ন-ভিন্ন দৃষ্টিকোণ উপস্থিত করেছিলেন, তেমনি এখানেও যেন নিজের সঙ্গে তর্ক করতে-করতে তাঁর যাত্রা; একটু এগিয়ে, আর-একটু পেছিয়ে, যাকে-মাকে হ'চট খেয়ে, কখনো কোনো আকস্মিক ও উজ্জল ভাবনার পশ্চাদ্ধাবন ক'রে, কখনো বা দূরকল্পনার উৎসাহে আলোচ্য বিষয় বিসৃত হ'য়ে—এমনভাবে লেখেন যেন সমস্ত ব্যাপারটা তাঁর আত্ম-পরীক্ষা ও স্বগতোক্তি। যেমন কবিতায়, তেমনি প্রবন্ধরচনায় অনেক সময় আচ্ছাদনের ব্যবহার উপকারী হয়; সাহিত্য বিষয়ে কিছু বলার থাকলে তার একটি প্রশস্ত উপায় হ'লো বিশেষ কোনো কবি অথবা গ্রন্থের সমীক্ষণ, সেই অবলম্বনটিকে জড়িয়ে-জড়িয়ে লেখকের চিন্তা উন্মূল হ'তে পারে—এবং কবির সাধারণত এইভাবেই সমালোচনা লিখে থাকেন। রবীন্দ্রনাথও এর উদাহরণের অভাব নেই, কিন্তু



‘সাহিত্য’, ‘সাহিত্যের পথে’ ও সর্বশেষ ‘সাহিত্যের স্বরূপ’—এই তিনটি গ্রন্থে বিস্তৃত রকম তাত্ত্বিক বা দার্শনিক আলোচনার দিকে তাঁর প্রবণতা দেখি; ‘সাহিত্যের তাৎপৰ্য’, ‘সাহিত্যের সামগ্রী’, ‘সৌন্দৰ্যবোধ’, ‘সাহিত্যবিচার’, ‘সাহিত্যধর্ম’, ‘তথ্য ও সত্য’—এই সব শিরোনামা, মামতেই হবে, প্রথম দর্শনে ভেদন উৎসাহজনক নয়; আমাদের মনে হ’তে পারে যিনি ‘সাহিত্য’, ‘সত্য’ বা ‘সৌন্দৰ্য’ বিষয়ে তাঁর ধারণাটি বেশ স্পষ্ট রাখায় বলে দিতে পারেন তিনি আর যা-ই হোন, কবি নন, এবং রবীন্দ্রনাথ কেমন ক’রে এই বিমূর্ত বায়ুমাৰ্গে বিচরণ করেছিলেন তা ভেবে আমাদের বিস্মিত হওয়াও স্বাভাবিক। কিছুটা বেদনার সঙ্গে আমাদের মনে পড়ে যায় যে ততদিনে এই কবি তাঁর দেশের প্রধান পুরুষরূপে অধিষ্ঠিত হয়েছেন; যে-কোনো প্রশ্ন তাঁর সামনে উপস্থিত করতে লোকেরা যেমন আর সংকোচ করে না, তেমনি তাদের সন্তোষ-সাধনের চেষ্টাও তাঁর কর্তব্য-তালিকার অন্তর্ভুক্ত; এমনকি, ‘কবিতা কাকে বলে’ এই রকমের অসম্ভব প্রশ্ন উত্থাপিত হ’লেও তাঁর মৌন থাকার উপায় নেই। পক্ষান্তরে, এমন সন্তাবনাও স্বীকার্য যে জীবনের প্রধান সৃষ্টিশীল অধ্যায় উত্তীর্ণ হবার পর, এবং তাঁর ‘বিরুদ্ধে’ একদল অধীচীনের কলরব স্তনতে পেয়ে, তিনি তাঁর অচেতন সাহিত্যধর্মকে সচেতন স্তরে ব্যক্ত করার চেষ্টা করছিলেন; হয়তো তাঁর সাহিত্যিক আদর্শ ও বিশ্বাস সম্পর্কে নিজেরই কাছে একটা জ্বানবন্দি দেবার ইচ্ছে তাঁর হয়েছিলো। এই প্রচেষ্টা বিপজ্জনক, কেননা কোনো তাত্ত্বিক ব্যাখ্যার মধ্যে কবি তাঁর কবিতাকে ধরাতে পারেন না; তবুকে ঝাঁটো করতে গেলে বস্তু কেটে ধানের ঝাঁটি বেরিয়ে পড়ে, আবার উদার হ’তে গেলে তা সর্বসাহিত্যের নির্দেশের আধার হ’য়ে যায়। এ-অবস্থায় কবিরা একমাত্র যা করতে পারেন রবীন্দ্রনাথও তা-ই করেছেন: আরিষ্টটল বা আলদারিকদের মতো বিষয়টিকে মুখোমুখি আক্রমণ না-ক’রে সেটিকে ধীরে-ধীরে কথা বলেছেন তিনি; তাঁর রচনার মধ্যে প্রবেশ করেছে সংশয়, কৌতুক, পুনরুক্তি, অস্থিরতা; কোনো-একটি উক্তি ক’রে তখনই তাকে সীমিত, খণ্ডিত বা বিস্তারিত করেছেন; কোনো প্রবন্ধ শেষ করামাত্র

সেটিকে আর পূর্ণাঙ্গ বলে তাঁর মনে হয়নি—তাঁরই স্নেহ টেনে, তাঁর প্রতিবাদে ও সমর্থনে, আবার লিখতে হয়েছে। সেইজন্ম তাঁর তথ্যালোচনা এমন সপ্রাণ ও উমিল, তাকে আমরা বলতে পারি একটি আন্দোলন: ‘অলি বার-বার ফিরে যায়, অলি বার-বার ফিরে আসে’—লেখকের সঙ্গে বিষয়ের সঙ্গতি টেনে এইরকম, তা না-হ’লে যে ফুল ধোঁটে না। এই ‘ফুল’ হ’লো রবীন্দ্রনাথের দু-একটি তীর্থ ও সহজাত অহুজুতি, তাঁর স্বপ্নের মধ্যে অনির্ঘনীয়ের উদ্ভাস; সেটি কোনো প্রমাণসাপেক্ষ তথ্য নয় বলে উপমা, রূপক ও অলিধর্মী হিলোল ভিন্ন তাঁর সঙ্গে ব্যবহারের কোনো পথ নেই। তা নেই বলে তাঁর সব তর্ক গান হ’য়ে ওঠে—‘ঘরে বাইরের’ বিমলার কথা চুরি ক’রে বলছি; কিংবা এর চেয়েও সঠিক বর্ণনা যদি দিতে চাই তাও রবীন্দ্রনাথের ভাষাতেই পাওয়া যাবে। ‘ছন্দ’ গ্রন্থের আরম্ভে ‘সই, কেবা স্তমাইল শ্রামনাম’, এই পংক্তি উদ্ধৃত ক’রে তিনি সন্তব্য করছেন যে এই সাধারণ সংবাদটিকে ছন্দের মধ্যে এমনভাবে ঢুলিয়ে দেয়া হয়েছে যে পাঠকের মনে ‘কেবলই ঢেউ উঠতে লাগলো। ঐ কাটি কথার...অন্তরের স্পন্দন আর কোনোদিনই শান্ত হবে না। ওরা অস্থির হয়েছে, এবং অস্থির করাই ওদের কাজ।’ পৃষ্ঠছন্দের এই ইঙ্গঙ্গাল আমাদের কারোই অজানা নেই; কিন্তু আশ্চর্যের বিষয়, রবীন্দ্রনাথের গানের অভিধানে কখনো-কখনো অমনি ক’রেই অভিভূত হ’তে হয়, আমাদের মনের মধ্যে ‘কেবলই ঢেউ উঠতে থাকে’, কথা শেষ হ’লেও স্পন্দন থাকে না। আরো আশ্চর্য এই যে তাঁর এই কিম্বদন্তি আমরা সেখানেও স্তনতে পাই যেখানে বিষয়টি বৈজ্ঞানিক; বরং সেখানেই যেন নিভুলভাবে স্তনতে পাই; তাঁর ছন্দ ও শব্দতত্ত্বের আলোচনা শুধু আমাদের বুদ্ধির কাছে বার্তা পাঠায় না, আমাদের সমগ্র মস্তকে প্লাবিত ক’রে তোলে। হয়তো কোনো মীমাংসার তীরে তিনি উত্তীর্ণ করেন না আমাদের, কোনো তৈরি সত্য কখনোই হাতে তুলে দেন না; কিন্তু আমাদের মনের মধ্যে একটি বেগমঞ্চার করেন, যার ফলে অদকার থেকে বেরিয়ে আসে আমাদের নিজেদের ভ্রষ্ট স্থিতি, অপ্নের ভগ্নাংশ, চিন্তার



রশ্মি, হয়তো ইন্ডিয়ের কোনো নৃতন শিহরণ। আমরা চঞ্চল হয়ে উঠি, ভেলা নিয়ে ভেসে পড়ি সমুদ্রে; তিনি আমাদের স্বাধীনভাবে সত্যাহসরণে যাত্রা করিয়ে দেন—এই তিনি করেন আমাদের—যদি আমরা নিজেদের অক্ষমতাবশত মধ্যসমুদ্রে ডুবে মরি, সে-দায়িত্ব তাঁর নয়, আর যদি-বা তাঁর হয় তবু তো মানতে হবে যে যেখানে পড়েই আমরা সার্থক হয়েছি। ‘ওরা অস্থির হয়েছে, এবং অস্থির করাই ওদের কাজ’: তাঁর প্রবন্ধসংগ্রহের মূখ-পত্রে এই কথাটি উদ্ধৃতযোগ্য।

৫

রবীন্দ্রনাথের গল্পরচনাকে অত্র এক ভাবে ভাগ করা যায় : একদিকে সরকারি বা পোশাকি, অত্র দিকে ঘরোয়া বা আটপোরে। এই বিভাগ তাঁর প্রবন্ধের পক্ষেও অর্থহীন নয়, কিন্তু পত্রাবলি ও ভ্রমণবৃত্তান্ত বিষয়ে আক্ষরিকভাবে প্রয়োজ্য। পত্রাবলিকে বাদ দিয়ে তাঁর গল্পসাহিত্য বিষয়ে চিন্তা করা যায় না, কেননা তা শুধু পরিমাণে অল্প নয়, কখনো-কখনো সাহিত্যগুণে ভরপুর। কিন্তু যেগুলো তাঁর সত্যকার চিঠি, এবং সেই সঙ্গে স্মরণীয় সাহিত্য, সেগুলো সবই তাঁর যৌবনের রচনা; যেদিন থেকে শাস্তিনিকেতনের গুরুদেব ও জগতের গুরু-স্থানীয় হবার দুর্ভাগ্য তাঁর ঘটলো, সেদিন থেকে চিঠি লেখার স্বেচছা তিনি হারালেন; তাঁর জীবনের শেষ হুড়ি বা পৃষ্ঠিষ বছরে তিনি পত্রাকারে যা-কিছু লিখেছেন তার শ্রেষ্ঠ অংশ পত্রবলী প্রবন্ধ, বা অন্তত প্রকাশের জন্মই রচিত; অত্রগুলো অহরোধরক্ষার্থে বা কর্তব্যবোধে লেখা, তাতে কখনো কোনো মহিলাকে তিনি সাহসনা বা উপদেশ দিচ্ছেন, কখনো বা সমকালীন পুস্তক বা ঘটনা বিষয়ে তাঁকে কিছুটা অনিচ্ছা কাটিয়ে অভিমত দিতে হচ্ছে। শেষের দিকে তাঁর প্রতিটি চিঠির প্রতিলিপি রেখে তবে তা তাকে পাঠানো হ’তো; চিঠির স্বাচ্ছন্দ্যের পক্ষে এত বড়ো বিঘ্ন আর নেই; তাঁর এই পর্যায়ের চিঠিপত্র সাধারণত এমন অব্যক্তিক যে প্রায় যে-কোনোটি যে-কোনো ব্যক্তিকে পাঠিয়ে দিলে অপোত্তন হ’তো না। অথচ এই অবহাতেও, তিনি নিতান্তই রবীন্দ্রনাথ

বলে, অনেক পত্রে স্নানবস্তুর সরসতার তিনি সঞ্চার করেছেন, তাঁর হাতের গুণে যুচরো খবরের চিরকুটও স্বাহু হচ্ছে, কাজের কথাও প্রয়োজনের মধ্যে আবদ্ধ থাকেনি। যাকে বলে গুণপনা বা দক্ষতা তা যেন তাঁর নয়নহরণ হস্তাক্ষরের মতোই তাঁর সম্পূর্ণ অভ্যস্ত হয়ে গিয়েছিলো; তা দেখে তাঁকে ধস্ত না-বলে যেমন পারি না, তেমনি আমাদের দীর্ঘবাস পড়ে সেই স্ববর্ণযুগ স্মরণ করে, যখন পত্রলেখক ও প্রাপকের মধ্যে মুদ্রাকরের উপজায়া হানো দেয়নি। সেই যুগের একটি শ্রেষ্ঠ ফল ‘ছিন্নপত্র’—অমর কাব্য ‘সোনার তরী’ ও ‘গল্পগুচ্ছ’-এ মনে রেখেই এ-কথা বলছি: অমন প্রাণোচ্ছল, যুগপৎ অমন ব্যক্তিগত ও সার্বিক, অমন চিরনতুন ও অদ্বন্দ্বস্বরূপে পাঠযোগ্য পত্রপর্বীর রবীন্দ্রনাথও আর দ্বিতীয়বার রচনা করেননি। কল্পনা, হাস্যরস, মনস্বিতা; অল্পচিন্তনের আবিষ্কার ও বহির্জগতের বাস্তব তথ্য; চোখ দিয়ে দেখা ও মনে-মনে ভাবা,—এই সবই আছে ‘ছিন্নপত্রে’, আর সেই সঙ্গে আছে আর-একটি ব্যাপ্ত সত্তা, যার নাম বাংলাদেশে ছাড়া আর কিছুই দিতে পারি না। ঝড়, নদী ও ভূগতরময় বাংলার পল্লীপ্রকৃতি, তার কান্তি, গন্ধ ও আর্দ্রতা নিয়ে, এই পুস্তকের অক্ষর থেকে এমনভাবে আমাদের ইন্ডিয়ের উপর বাঁপিয়ে পড়ে যে ‘ছিন্নপত্র’ নামটি উচ্চারণ করলেই বাংলাদেশের একটি মানসমূর্তি আমরা দেখতে পাই। এবং এগুলো খাটি চিঠি, বস্ততই বন্ধু বা আত্মীয়ের কাছে বার্তাপ্রেরণ, এখানে সচেতন শিল্পিতার কোনো চেষ্টা ছিলো না, লেখার পরে রবীন্দ্রনাথ ভুলেও গিয়েছিলেন। তাঁর স্বতঃস্ফূর্ত একান্তভাবে জরী এখানে।

অপরিচিত বা স্বল্প-পরিচিত ভক্তের কাছে আত্ম-উদ্ঘাটন বিলকের পক্ষে যেমন সহজ ছিলো, তেমনি ছিলো রবীন্দ্রনাথের স্বভাববিরোধী; আমরা দেখতে পাই তাঁর যে-কোনো পর্যায়ের প্রকৃত চিঠি কোনো নিকট আত্মীয় বা ঘনিষ্ঠ বন্ধুকে লেখা হয়েছিলো। সতেরো বছর বয়সে, প্রথমবার বিলেতে গিয়ে, তিনি যে-ভ্রমণবৃত্তান্ত লেখেন সেটিকে গল্পসাহিত্যে তাঁর প্রতিভার প্রথম স্বাক্ষর বলা যায়; ‘স্বরোপপ্রবাসীর পত্র’, তৎকালে সাময়িক পত্রে ছাপা হ’য়ে থাকলেও, প্রকাশের জন্মই লেখা হয়নি; জোড়াসাঁকোবাসী আত্মীয়দের



উদ্দেশ্যে বর্ষার্থই চিঠি লিখেছিলেন বলে তাতে সেই অন্তরঙ্গতা ধনিত হয়েছে, যা পরে আমরা 'ছিন্নপত্রের' ও 'ঘুরোপযাত্রীর জায়গার'তে পাই, কিন্তু পরবর্তী ভ্রমণগ্রন্থ ও পত্রাবলিতে যা বিনোয়মান। এই পুস্তকত্রয় প্রমাণ করে যে যে-কালে রবীন্দ্রনাথ তাঁর 'সরকারি' সাহিত্য 'সাদু'ভাষায় লিখছিলেন সে-কালেই, প্রথম চৌধুরীর বহু পূর্বে, তাঁর 'ঘরোয়া' সাহিত্যে 'চলিত' ভাষা শ্রোতৃবিনী হয়ে উঠেছিলো; অতখানি স্বভাবনৈপুণ্য সত্ত্বেও কেন যে তিনি 'দ্বুভূপত্রের' পূর্বযুগে চলিত ভাষার প্রকাশ্য ব্যবহারে কুণ্ঠিত ছিলেন, আমরা তা ভেবে অবাক না-হ'য়ে পারি না।

উত্তরযৌবনে রবীন্দ্রনাথের ঘনিষ্ঠ বন্ধ কেউ ছিলেন না, ছিলো এক বিরাট ভক্তসম্প্রদায়, সৌর্যকেন্দ্রিক বহু মণ্ডলে বিভক্ত। ততদিনে তাঁর ব্যক্তিজীবনে বহু পরিবর্তন ঘটেছে; পত্নী এবং দুই পুত্রকন্যা মৃত; যৌবনের বন্ধ বা পরিবারভুক্ত ঘনিষ্ঠেরা মৃত অথবা ছিন্নযোগ; বাংলাদেশে কেউ নেই যাকে তিনি সমকক্ষ বা প্রতিদ্বন্দ্বী মনে করতে পারেন; সম্রাট তিনি বাংলা সাহিত্যের, জগতের চোখে প্রাচীর প্রতিভু, ইংরেজ-শাসিত নিখিলভারতের আশ্রমধর্মাদার প্রতীক, এবং পূর্বে পশ্চিমে নিরন্তর ভ্রাম্যমাণ। তৎকালীন পত্রে ও প্রবন্ধে এই সবই প্রতিফলিত হয়েছে। উপরন্তু, এই সময়ই গজরীতি নিয়ে ক্লাস্তি-হীন পরীক্ষায় তাঁকে প্রবৃত্ত বেধি; তাঁর জীবনের শেষ কুড়ি বছরের গঞ্জে যত নূতন ও নূতনতর ভঙ্গি দেখা যায় পূর্বতম চলিত বহুরের রচনায় সে-ভুলনায় প্রায় কিছুই নেই; যদিও চলিতভাষাকে আগেই একান্তভাবে মেনে নিয়েছিলেন, গজশিল্পে সচেতন পরীক্ষার 'লিপিকা'তেই আরম্ভ। যা কোনোরকমেই পশ্চ নয়, গজ-পত্রের মাঝামাঝি জায়গায় অব্যবহিতভাবে পড়েও নেই, যা নিতুল-ভাবে গজ এবং নিতুলভাবে ছন্দস্পন্দিত, এই ধরনের রচনাপর্যায় তাঁর অন্তর্জীবনের প্রধান অবদান। 'লিপিকা'য় তুণ না-হ'য়ে 'পুনশ্চ' লিখলেন; তারপর তিনটি নৃত্যনাট্যে গজকবিতার নূতন রূপকল্প; 'শেষের কবিতা' থেকে 'মালক' পর্যন্ত উপজ্ঞান; অবশেষে 'ছেলেবেলা', 'সহজ পাঠ', 'গল্পগল্প'। তুল্যমূল্য নয় এরা, কিংবা আদি এমন কথাও বলতে চাচ্ছি না যে সামগ্রিক

বিচারে এই পর্যায় পূর্বরচনার চেয়ে উৎকৃষ্ট; কিন্তু এ-বিষয়ে সন্দেহ নেই যে এই রচনাধারার মধ্য দিয়ে গজশিল্পের এক স্বাধীন বিচিত্র বিকাশ সম্ভব হয়েছে; বিশেষ অর্থে আধুনিক বলতে পারি এমন বাংলা গজের এরা প্রবর্তক ও বিবর্তক। গজের প্রতি বন্ধু কবির এই নিবিড় মনোযোগের একটি কারণ নিশ্চয়ই এই যে সাদুভাষার ভুলনায় চলিত ভাষা অনেক বেশি নয়, তাতে লীলা ও ভঙ্গিবেচিত্রের অবকাশ রবীন্দ্রনাথের কানে ও মনে অমোঘভাবে ধরা পড়েছিলো; এবং যৌবনে যেমন বাংলা পত্রের প্রতিটি সম্ভবপর ছন্দকে তিনি প্রতিষ্ঠিত করেন, তেমনি প্রৌঢ়জীবনে গজের ধনিমাধুরীকে নানা রূপে উদ্ভাবন না-ক'রে পারেননি। অজ কারণ হয়তো এই যে তিনি ভিতরের দিক থেকে ক্লাস্ত হয়েছিলেন; বলার কথা আর ছিলো না বলে ফাইল তাঁর অবলম্বন হয়ে উঠলো। তিনটি নৃত্যনাট্যের মধ্যে দুটিরই কাহিনীর অংশ তাঁর নিজের পূর্বরচনা থেকে আহরিত; 'ছেলেবেলা'য় নতুন কোনো উপাদান নেই; 'রাজা ও রানী'র রূপান্তর হ'লো 'ভপতা'; 'রাজার', 'শাপমোচন'; 'একটি আঘাতে গল্পের', 'তাদের দেশ', ও 'পূজারিনী' কবিতার, 'নীর পূজা'। নৃত্য, সংগীত ও অভিনয়ের আবেদন থেকে চ্যুত ক'রে দেশেগে, শুধু পঠনীয় পুস্তক হিশেবে, এই সব পুনর্লিখনের মর্মাধা যে অনবধীকার্য তাঁর কারণই এদের গজরীতির কাঙ্ক্ষমিতা।

এই পর্যায়ের ভ্রমণগ্রন্থের প্রধান লক্ষণ এই যে রবীন্দ্রনাথ কখনো ভুলতে পারছেন না তিনি রবীন্দ্রনাথ, 'রুক্মিণীর ভাগ' বহন ক'রে পৃথিবীতে বেবিরয়েছেন। যেমন এককালে সর্ব ইন্ডিয়া দিয়ে বাংলাদেশ ও ইংলণ্ডকে অন্তর্গত করেছিলেন, জাপান, রাশিয়া বা দক্ষিণ আমেরিকার সঙ্গে তেমন ব্যবহার আর নেই তাঁর; তাঁর চক্ষু আর তথ্য আছে না, জাগ্রদ্রিয় শুধু পূর্বপরিচিত জুইফুলে মাড়াই করেন; নূতন দেশের কোনো দৃশ্য বা আবহ আর স্বপ্ন করেন না আমাদের জ্ঞান। স্বদেশের সঙ্গে অস্বাভাব্য দেশের তুলনায় তিনি ব্যাপৃত; স্বদেশের কীর্তির চিন্তায় আচ্ছন্ন তাঁর মন; বিচার, বিতর্ক ও বিশ্লেষণে তিনি এতদূর পর্যন্ত নিমুক্ত যে 'রাশিয়ার চিঠি' প্রায় একটি বাস-



নৈতিক নিবন্ধ হয়ে উঠলো। অথচ প্রতিটি পুস্তকে গল্প এমন বেগবান ও দ্ব্যতিময় যে তাঁর প্রভাব তাত্ত্বিক মূল্যকে ছাপিয়ে পড়ে; সামাজিক, ঐতিহাসিক ও রাজনৈতিক কারণে যা পাঠযোগ্য তা শিল্পগুণে স্বরীয়তার মূল্য পায়। আমার এই কথার শ্রেষ্ঠ নিদর্শন 'খাত্তা'; তাঁর ভাবগম্ভীর স্বপ্নতোক্তির মধ্যে জ্ঞানের কথা যা আছে তা অল্প লেখকও শোনাতে পারেন, কিন্তু হৃন্দরের সান্নিধ্যলাভে যে-আনন্দ পাই তা রবীন্দ্রনাথেরই নিজস্ব দান। এবং, কোনো বিয়য়বক্তিরকে, শুধুমাত্র ভাষার উপর কর্তৃত্বের ফলে, কতদূর পর্যন্ত রমণীয় রচনা সম্ভব, তাঁর দৃষ্টান্ত 'ভাহুসিংহের পত্রাবলী'; পত্রপ্রাপিকা বালিকাটিকে রবীন্দ্রনাথের কিছুই বলায় নেই, শুধু খেলাচ্ছলে তাঁর উপযোগী কথা বয়ন করে যাচ্ছেন, এবং ফলত যা ধাঁড়িয়েছে তা সকলের পক্ষেই সম্ভোগ্য। একে এক ধরনের 'বিশুদ্ধ সাহিত্য' বলায় হয়তো ভুল হয় না।

মৃত্যুর আগে রবীন্দ্রনাথ তাঁর নিজের রচনার স্থায়িত্ববিষয়ে সন্দিহান হয়েছিলেন। রোগ ও জরা তাঁর মনকে তখন দুর্বল করে দিয়েছে, তাঁর ভাষার তরুণ লেখকেরা অ-রাষ্ট্রিক পথে অগ্রসর হচ্ছেন, সমাজিক মাম্বাধীদের প্রভাবে এমন কয়েকটি অপবাদ তাঁকে শ্রুতে হচ্ছে যা একেবারেই অসাহিত্যিক ও অস্বাস্তর। ভাবতে বেদনা বোধ হয় যে তিনি, রবীন্দ্রনাথ ঠাকুর, এর ফলে ছুৎ পেয়েছিলেন; বিরুদ্ধ মতের উত্তর দেবার সুযোগ হারাননি, এমনকি তরুণ লেখকদের প্রতি ব্যাঙ্গোক্তিও তাঁর পরিহাসের অন্তর্ভুক্ত হয়েছিলো। বিশেষত তাঁর আয়ুষ্কালের শেষ বৎসরটিতে তিনি নিজের রচনা বিষয়ে অবিরলভাবে কথা বলেছেন—যা এর আগে কখনোই করেননি; তাঁর অনেক অংশ শ্রুতিগিহিত প্রবন্ধাকারে বা বিভিন্ন লেখকের স্মৃতিকথায় বিগত আছে। বার-বার বলেছেন তাঁর ছোটগল্পের কথা—যাকে কোনো-এক সমালোচক 'গীতিধর্মী' বলাতে তিনি ব্যথিত হন; তাঁর ছবির বিষয়ে মুখর হয়েছেন মাঝে-মাঝে; শ্রবণ করেছেন লণ্ডনে রটেনস্টাইনের বাড়িতে সেই সন্ধ্যাটি, যখন ইংরেজ তাঁর ইংরেজি 'গীতাঞ্জলি'র পাণ্ডুলিপি পাঠ করেন। তিনি যে 'চোদ্দ অক্ষর মেলাতে' পারেন তা সহাগ্রে মনে করিয়ে

দিয়েছেন আমাদের; অবশেষে বলেছেন, 'বাংলাদেশের লোককে আমার গান পাইতেই হবে; আর-কিছু যদি নাও থাকে, তবু আমার গান থাকবে।' কিন্তু অনেক কথা বলেও তাঁর গল্প বিষয়ে কিছু বলেননি; এমন কি হতে পারে যে তাঁর নিজেরও মনে হয়নি যে তাঁর প্রসঙ্গে সেটাও আলোচ্য? সত্য, যিনি কবির অভিধা নিজের প্রাণ্য বলে জ্ঞেয়েছেন তাঁর আর-কিছু চাইবার থাকে না, ঐ একটি কথাতেই সব বলা হয়ে যায়; কিন্তু তাঁর গল্পের স্বতন্ত্র দাবিকেও উপেক্ষা করা অসম্ভব। আজকের দিনে, তাঁর মৃত্যুর কুড়ি বছর পরে, সহজেই বলা যায় যে তাঁর গান বিষয়ে তাঁর ভবিষ্যদ্বাণী সফল হয়েছে, এমনকি হয়তো উন্নাদ্রিকভাবে; রেকর্ড, রেডিও ও সিনেমার বিপুল প্রচারের ফলে বাংলাদেশে আজ প্রায় এমন কেউ নেই যিনি তাঁর গানের ছ-চার কলি না জানেন, কিন্তু অনেকে হয়তো সেটুকুর বাইরে তাঁকে আর কোনোভাবে জানেন না। শিক্ষিত তরুণেরাও তাঁর গানের দ্বারা যতদূর মোহিত তাঁর পঠনীয় রচনাটির সঙ্গে ততদূর পরিচিত নন; তাঁর প্রতিটি কাব্যগ্রন্থ পাঠ করেছেন এমন যুবক আজকের দিনে বিরল; এবং তা নিয়ে আক্ষেপ করাও বৃথা, কেননা যুগধর্ম অপ্রতিরোধ্য, রবীন্দ্রনাথের 'প্রত্যাবর্তন'ের জগ্ন অপেক্ষা করা স্কিম উপায় নেই। সেই দিনের উদ্দেশ্যে বলে রাখতে চাই যে কোনো ভাবী পাঠক যখন সমগ্র রবীন্দ্রনাথের সমগ্র গল্পরচনা পড়বেন, তাঁর ধারণা হবে তিনি গল্পশিল্পে বাংলা ভাষার শ্রেষ্ঠ পুরুষ, এবং বিশ্বসাহিত্যেও গরীয়ান। বৈদেশিক কোনো-কোনো লেখকের কথা আমরা ভাবতে পারি ঠাণ্ডা তাঁর চাইতে ভালো নাটক, ভালো উপন্যাস বা প্রবন্ধ লিখেছেন, কিংবা ঠাণ্ডার গল্প আরো তীব্র বা গভীর; কিন্তু গল্প-শিল্পের এমন ঐশ্বর্য, এমন বিচিত্র বৈভব আর কাব্যে রচনার প্রকাশ পেয়েছে কিনা সন্দেহ। একজন কবির বিষয়ে এই কথাটা খুব আশ্চর্য শোনায়, কিন্তু রবীন্দ্রনাথ যে অপরিমেয়রূপে প্রতিভাবান ছিলেন সেটা তো তাঁর অপরাধ নয়।



## দুটি কবিতা

## অনুব্রত

সে যদি অপরিহার্য তবে কেন মন  
 বার-বার নিরন্তর ? জাফরানি পড়ন্ত বিকেলে  
 প্রত্যহ আসে যায়, প্রাকৃত ভাষণ ।  
 ধান কাটা শেষ হলে আদিগন্ত মৌন শূন্যতায়  
 ভরে তীর অনন্ত স্রাস্তিতে, প্রগাঢ় আঁধার  
 নরম সহজ এক শান্তি আনে দেহের সীমায় ।  
 ভালোবেসে অন্তরঙ্গ, তার নাম স্বপ্নে মনে হয়  
 ছই আত্মা অবিচ্ছিন্ন সে-নারী অস্বপ্নশ্রা নয় ।

## বে-ধারণা ছিলো

বে-ধারণা ছিলো, তাঁর অহস্তিত্ব নিভৃত নিলয়ে  
 পরিত্যাগ করে মন দীর্ঘ উপবাসী  
 নাগরিক হ'তে চায় ; প্রেমাস্পদা বৃষ্টি কোন স্তম্ভরী উর্বরী  
 স্তম্ভহত যৌবনের একমাত্র অবলম্বনীয় । মৃত্তিকাকে ছুয়ে

শপথ অভ্যস্ত সত্য ; বোদের শিকড়ে  
 সতেজ, অপরিমিত তেজস্কর সত্যতার স্বাদ ;  
 নিখাসে কয়লার গন্ধ । প্রশ্নিত বৃষ্টি ঝড়ে  
 উত্তেজনা পিকেটিং, ধর্মঘট । পলেশ্বর-থ'সে-পড়া উন্নত প্রাসাদ

যুগপৎ মহাশব্দ ; কালক্রমে নতুন পৃথিবী  
 ধীরে-ধীরে উল্লীষিত । অথচ স্থাপত্যকার্যে অভিজ্ঞতা নেই ।  
 বিদ্বাং, অ্যাটম আর্ন রকেটের অবশস্তারী  
 ফলাফল ব্যক্ত হয় । পরিণত, সমৃদ্ধ রূপেই...

কৃত্রিম, অভ্যাসপুষ্ট । ক্ষণস্থায়ী নাগরিক মন  
 বিমুগ্ধ, বিষাদক্লিষ্ট । শাস্ত্রঘরে রূপবতী নর্তকীর গাল ।  
 ধারণাবিমুক্ত চিন্তা : অনেকাংশে ভালো আজ কৃষ্ণচূড়া, জাঁকলের বন ।

## দুটি কবিতা

### সেই পাগল

সেই এক দুর্ভাগ পাগল  
প্রথম কোথায় কবে মনেও পড়ে না  
লোহা ইট পার হয়ে, পার হয়ে বিকেলের সোনা  
হয়তো বা শহরের অস্তিম সবুজে  
আঁসুহীন স্তম্ভতাকে খোঁজে।

মুক্তবন্ধ প্রমিথ্যাস : মনে হয় দেখি যতবার  
অনন্ত জিজ্ঞাসা নিয়ে কল্লোলিনী হয়ে আছে হির  
সুস্তিত ঠোঁটের কূলে ; ভাষাহীন বিশ্বয়ে গভীর  
খনির রহস্য থেকে চোখ তার যেন আবিষ্কার।

মনে হয় কোনো-এক অপার্থিব মৌলিকের ধ্যান  
আস্বার গুহায় ঢুকে নিয়ে গেছে তার অভিজ্ঞান  
আমাদের পরিচিত যত কিছু হ'য়ে এসে পার  
স্বায়ু তার ছেয়ে আছে ওপারের গুচ অন্ধকার।

সাবধানে দেখি তাকে, ভয় করে অন্তরঙ্গ হতে,  
তার মস্তভায় যদি ছিঁড়ে যাই ? যদি সে হঠাৎ কাছে এসে  
ব'লে ওঠে, "আপনার মৃত্যু হ'লো কিম্বে ?"

## ব্যর্থ প্রেমিকের গান

নরক কি এ-রকম ? অচিকিৎসা অচুশোচনার  
বিশ্বস্তির স্বর্গে শেষে রয়েছে কি মুক্তি কামনার ?  
না কি দেখানেও শীত—হিমশ্রব অথচ অদার,  
আবার কটাঁহে যাবে এ-উজ্জ্বল তৈলাক্ত হৃদয় ?

হে স্বপ্নি, হৃদয় তরী, দুজননে তো ঘুরেছি অনেক  
মুখর মাতাল হ্রোতে, উদ্যুখিত লবণাক্ত নীরে  
অপ্রমত্ত ভোরে পাড়ি ; শেষ হ'লো সোমাজলা তীরে,  
শেষে তোমাতেই আঁকি প্রেমচিহ্ন, হোক অভিষেক।

নরক এমনই বুঝি ? সর্বশাস্ত, ছায়ায় গভীর !  
তেমন বিব্রত নই, ছায়াপথ আত্মীয় নারীর,  
তাদের শরীর আঁজে প্রজলন্ত স্বপ্নের কণায়  
আমি তো ফোটাতে পারি চিরন্তন, মরীচিকাময়।



কবিতা

বর্ষ ২৪, সংখ্যা ৪

ছোট কবিতা

আদিগন্ত

নিশিদিন ঝরে যাই বসন্তের কীর্তিনাশা তাপে ।  
শরীরে আসন্ন ফোটে, কাটে বেলা বিপুল বিষাদে ;  
অনেক দূরের ভ্রাণ কাছের গোলাপে পেতে চেয়ে  
বৃকের বাগান ভেঙে একটি পাখির দৃশ্য উর্ধ্বে উঠে যায় ।  
আর এক আবির্ভাব শোণিতের শেষ বিফোরনে  
আমাকে আচ্ছন্ন করে জ্বালায় উন্মাদ শিখা চোখের নিখিলে ;  
এবং তখনি—

আমার সমস্ত অম অনায়াসে ব্যাপ্ত দেখি দিগন্ত অবধি ।

বিনিময়

তুমি ফোটা চতুর্দিকে, বৃক্ষমূলে আমি ব'সে থাকি ।  
একদা দুর্বার রাত্রি একমাঠ উধাও আকাশে  
নক্ষত্রের মতো দীর্ঘ যত দীপ্ত বাসনার সীর্ষ ছুয়েছিল  
—আজ তারা কেউ নেই ভোরের অন্মন অবকাশে ।

যা লিখি, লিখেছি, সব শুধু তুমি, তোমারি প্রতিমা ।  
আমার গোলাপ তবু বিহ্বল ধুলোর নিরুপায়ে  
কাটার রক্তাক্ত ফ্রোভ ব্যাপ্ত করে অনিশেষ স্ফোতির দহনে ।  
তুমি তাকে কোনোদিন গুই দূর মন্দিরের গম্ভীর পাষাণে  
যদি স্পর্শ করো, তবে চেয়ে দেখো দুঃখের দুর্লভ মধুরিমা  
কী গভীর রূপে মুক্ত দেবতার দক্ষিণ বাহর বরাভয়ে ;

কে কাকে ফোটার শব্দে, কবিতায় কান পাতি জয়ে, পরাজয়ে ।

কবিতা

আঘাট ১৩৬৭

সঙ্গীত

মণিভূষণ ভট্টাচার্য

আহতি দেবার লগ্ন এসেছে অন্ধকারের যজ্ঞে,  
সমর শহসা বলকে উঠলো কালপুরুষের খড়্গে,  
প্রতিবিম্বিত দর্পণে কাঁপে অসমশাহসী দৃশ্য  
চতুর্দিকেই ঘুরছে চতুর অবিকল অবিমুগ্ধ ।

অতএব নব নাগরিকতার আমবা দুঃজন বন্দী,  
অধুনা বিবেকী বন্ধু স্বয়ং প্রণয়ে প্রতিদ্বন্দ্বী,  
সুহৃদবর্গ খড়্গহস্ত শাসায় ধ্রুপদী সাক্ষ্যে  
ললিত স্তম্ভ কপ্পা কঠোর মাজানো সবল বাক্যে ।

যেহেতু আকাশে বাউল বাতাস চৈত্রদিনেরা দৃপ্ত,  
সদবিহীন ধূসর শূন্য বাসনা অপরিভূপ্ত,  
আগ্নেয় নীল নদীর শরীর চিবুক বক্ষ পৃষ্ঠ—  
অন্ধকারের মৃত্যুগগ্নে আলোকিত পরিশিষ্ট ।

স্বতরাং মুহূ বন্দনা করি কাব্যবিহীন পণ্ডে  
প্রলয়ের মতো নিরুন্ম রক্তে আসবে মধ্যে মধ্যে,  
আপাতত আছি নিরাপত্তার স্বয়ং-সৃষ্ট খর্গে  
সহস্র সময় বলকে উঠলো কালপুরুষের খড়্গে ।

কবিতা

বর্ষ ২৪, সংখ্যা ৪

**জনাস্তিক**

(পোল ভালেরি অহসরণে)

**মানবেন্দ্র বন্দ্যোপাধ্যায়**

কী কাজ করো তুমি ?—সবি তো করে থাকি ।  
মূল্য কত, বলো ।—মূল্য ? মুশকিল !  
যেমন এই ধরো বিরাগ তিল-তিল  
পূর্ণ জ্ঞান আর অকটি দেব ফাঁকি...  
মূল্য কী তোমার ?—তা বলা মুশকিল...  
কী চাও ?—কিছু না ; তা সবি তো নিয়ে থাকি ।

কী তুমি জানো, বলো ।—বিরক্তির সীমা ।  
করো কী সর্বা ?—স্বপ্ন দেখি খালি ;  
এবং ঘটে আছে বৃহত্তরা ডালি—  
তা দিয়ে রাত করি উষার রক্তমা ।  
করতে পারো কিছু ?—স্বপ্ন দেখি খালি,  
তাতেই দূর হয় মনোরচিত অমা ।

কী চাও, ঠিক বোলো ।—আস্বমদল ।  
জানো কি কোনো পথ ?—তা-ই তো খুঁজি রোজ—  
সব যে যিনযিনে নষ্টামির ভোজ  
তাই জ্ঞানের বল খুঁজি অনর্গল ।  
তাহলে কিসে ভয় ?—ইচ্ছে, তার তেজ ।  
তুমি কে ?—অতাজন, কেউ না, দুর্বল ।

কবিতা

আঘাট ১৩৬৭

কোথায় চলেছো হে ?—বিলুপ্তির কাছে ।  
সেখানে করবে কী ?—থাকবো পুণ্ডে মৃত ;  
সেখানে আর নয়, যেখানে অবিনীত  
দিনের পর দিন পচবে। একই নাচে ।  
যাচ্ছে কোনখানে ?—কবরে নিশ্চিত ।  
কবরে ? সেখানে কী ?—মৃত্যু ভ্রমের আছে ।



কবিতা

বর্ষ ২৪, সংখ্যা ৪

সমুদ্র-কে

বটকুম্ব দাস

সমুদ্র যেন যামিনী বায়ের পট,  
রঙে ও রেখায় অপরূপ ব্যঞ্জন ;  
কণ্ঠ-কণ্ঠ চুলে অনাদিকালের জট—  
যেন কোনোদিন বিহুনি হয়নি বোনা,  
রক্তসে গোঁড়ায়, আঁহা, বিরহিণী নারী ।

মনোভার যেন বইতে পারে না দেহ,  
দুঃসহ পীড়া সহস্র ধমনীতে,  
স্বনচূড়া তার বেদনামখিত স্নেহ,  
বিগলিত ধারা উদরের ত্রিবলীতে,  
বাহুভুজে প্রেম দিগন্তসঞ্চারী ।

সমুদ্র, আমি স্বদূর মকম্বলে  
দুঃখিত এক অন্ধগলিতে থাকি,  
শিক্ষকতায় কোনোমতে দিন চলে,  
ফাঁক পেলে দেশী বিদেশী কবিকে ডাকি,  
একযোগে কোনো দূরান্তে দিই পাড়ি ।

পাড়ায়-পাড়ায় লোনা হাওয়া এসে ডাকে :  
সমুদ্র, তাই তোমার কাছেই আসি,  
কিছু পাই, কিছু ভাবনায় মিশে থাকে,  
কিছু তার হাতে দিই যাকে ভালবাসি,  
কিছু কেড়ে নেয় জীবনের বালিগাড়ি ।

কবিতা

আষাঢ় ১৩৬৭

ওগো বধু স্তম্ভরী

আবুল কাশেম রহিমউদ্দীন

মাগর-পারের ওগো বধু স্তম্ভরী  
মাগর তোমার মূর্তিত পদতলে ;  
বৃকের গভীরে ডুবছে সোনার তরী,  
বাসি অমৃত-ও একাকার নোনা জলে !

আকাশে কেবল মাতাল বুদ্ধ চাঁদ  
উলঙ্গ মেঘে মনের বেহালা বাজায় ।

অনেকে সেদিন এসেছিল বাঁনা রূপে :  
কেউ আলো, কেউ ফুল বা রূপের ডালা  
এনেছিল আর চেয়েছিল চুপে-চুপে  
তোমারই গলায় পরাতে তাদের মালা ।  
কিন্তু মজেনি অটল তোমার তস্থ,  
কারণ ওরা যে অপটু সবাই গানে,  
ওদের কথায় ফোটে না ইন্দ্রধ্বজ—  
সে-জাহ্নু কেবল মাগরই তখন জানে ।

তাই তো সেদিন মাগরে পাঠালে প্রেম,  
মাগর নিজেকে তোমার তরেই সাজায় ।

কিন্তু হঠাৎ ক'রে হয় তারপরে :  
চেউয়ের বাসরে দোল খায় ঘনঘটা,  
এপারে-ওপারে আকাশ আছড়ে পড়ে—  
মহাকাল তার দিগন্তে ঝাড়ে জটা ।

কবিতা

বর্ষ ২৪, সংখ্যা ৪

চকিত কাঁতর মাগর দাঁড়ায় ঘুরে,  
স্বর্ষের মুখ অভিসম্পাতে কালো,  
সংগীত মরে বাড়ের অশ্বঘুরে,  
দেহ ঢেকে নেয় কবরে দিনের আলো!

বহুকাল পরে যখন বৃষ্টি নামে—  
মাগর তখন লালিত্রিত দেহে লোটায়।

মাগর-পারের ওগো বধু হৃন্দরী,  
মাগর তোমার মুছিত পদতলে ;  
বুকের গভীরে ডুবেছে সোনার তরী,  
বাসি অমৃত-ও একাকার নোনা জলে!

তবুও কি তুমি তাকেই কামনা করো,  
বাসনা তোমার গোপনে কি ফুল ফোটায়?

কবিতা

আঘাট ১৩৬৭

**পোল ডেরলেন-এর ছুটি কবিতা**

অহ্বাদ : গোবিন্দ মুখোপাধ্যায়

**প্রিয় অশ্রু**

আঁচুর্গ, উজ্জল স্বপ্নে অজ্ঞাত নারীর অত্যাচার  
দেখি আমি, মে-বরবধিনী প্রিয়া, আমি প্রিয় তার ;  
দেহমনে আদিরূপা সে আর হবে না, কিন্তু নয়  
অহরূপা ; ভালোবাসে, খুঁজে থাকে রহস্য আশ্রয়।

মে-মর্গবেদিনী নারী, সমুজ্জল আমার স্বপ্ন  
তার অহুচিত্তনেই,—যা দৃশ্যত একান্ত সরল  
তা শুধু তাকেই ভেবে ; আর যে আঁচুর্গ তা সমুচ্চয়  
আমার ললাটে, মুছে দিতে পারে তারই অশ্রুজল।

হৃন্দরী, বেশমচুল ; মলিনা, ভাঙাটে ; কিংবা লাল  
চুল তার ? কী যে নাম ? কী মধুর প্রতিধ্বনিময় !  
প্রেমিক-প্রেমিকাদের দিন যেন চলে ধীর লয়ে।

দৃষ্টি তার, পাষণের প্রতিমার চোখে রেখাজাল ;  
স্বর তার, শান্তি আর দুঃখে যেন হয়েছে সংশ্রয় ;  
উচ্চারণ তার, মৃত প্রেমিকার স্মৃতি আনে ব'য়ে।

**বড়ো রাশাঙলি**

এসো তবে নাচি !

ভয়ানক ভালোবাসতাম আমি তার ছুটি চোখ,  
তার ছুটি চোখ, যার কাছে ছাঁর তারার আলোক ;  
ভালোবাসতাম আমি যে তাদের চকিত চমক।



কবিতা

বর্ষ ২৪, সংখ্যা ৪

এসো তবে নাচি !

তার যে জীবন এমনই আবাধা ছিল সত্যিই,  
মামে না শাসন সে-হৃদয়, ছিল মধুতে ভর্তি ;  
আর সে, জীবন নিলো ; যেন নেই মায়া'র বস্তি ।

এসো তবে নাচি !

তারপরে গুরু হ'য়ে যায় তার স্মৃতির বেদন,  
ফুলের মতন অধরে টেলেছে কতো চুখন...  
তখনো আমার হৃদয়ে যে তার হয়নি মরণ ।

এসো তবে নাচি !

মনে প'ড়ে যায়, মনে প'ড়ে যায়, তাকে আঁজো হায় !  
ঘন চিন্তার কুহেলিকাজালে পদ্যাবেলায়  
সব চেয়ে সেই নিরালা প্রহরে তাকে ভাবা যায় ।

এসো তবে নাচি !

কবিতা

আর্ষাঢ় ১৩৬৭

স্মৃতিচিত্র

গোপাল স্তৌমিক

স্মৃতিগুলি স্থির চিত্র  
ফ্রেমে-আঁটা মনের আলবামে :  
খুশি হ'লে খুলি পাতা  
উন্টে যাই উন্নন খেয়ালে ;  
অতীতের অভিক্ষেপে হই যদি নেহাং বিমনা  
প্রতিশ্রুতি দিয়ে বসি আর খুলবো না ।

আমি তবু ভাগ্যবান,  
স্মৃতিগুলি চলচ্চিত্র নয় ;  
হ'লে তার সঞ্চরণে  
প্রতিদিন শরীর—মময়  
বিন্দু হ'ত স্ফমাহীন যন্ত্রণার শরে ।  
যেত না সাধনা করা অতীতের শবের উপরে ।

এখন সে জাহ্নবর :  
খুশি হ'লে যেতে পারি  
ভুলতেও পারি ইচ্ছে হ'লে ।  
হাসি- ও বেদনামাথা  
স্থির চিত্র আমি দেখি  
বর্তমান-আরশিতে মুখের বদলে ।

অপূর্ণের অন্তিম মন্ত্র

লোকনাথ ভট্টাচার্য

আশীর্বাদ করো, হে চরম কুটিল, হে পরম সরল, হে মহান। আশীর্বাদ করো।  
আশীর্বাদ করো এই হাওয়া, দুঃখ বেদনা আনন্দ, আশীর্বাদ করো।  
আশীর্বাদ করো হাই তোলা, আশীর্বাদ করো তুচ্ছতা, আশীর্বাদ করো  
স্বর্ধাত্তের মেঘের মহিমা। আশীর্বাদ করো।

কেন আশীর্বাদ? কারণ তাইতেই যে খোলে পথ, তাইতেই ফুল ফোটে।  
এই দিন, এই রাত, এই চিরকাল ধরে আমি এক মৃত্ত-শেষ-করা কবিতার  
কবি, মুখে টক-টক গন্ধ, বুকে বেদনা। যা শেষ করেছি, তা পেল না স্বব  
সমাপ্তির, যা আরম্ভ করব, তার বাজেই আগমনী। ওগো আমার লাগল না  
ভালো, আশীর্বাদ করো।

তোমার মুখ কেবলি জেগে ওঠে, আর হারিয়ে যায়। এই পথে, এই  
ভিড়ে, এই অনন্ত গাড়ির শ্রোতে, এই সারি-সারি অট্টালিকায়। কখনো  
আধখানা চোখ, কখনো ঠোঁটের একটি কোণ। জেগে ওঠে, হারিয়ে যায়।  
আশীর্বাদ করো। খণ্ড-খণ্ড মূর্ত্তের খোঁড়া অহুভব চলল না সকাল-বিকাল-  
সন্ধ্যা ধরে রাত্রির শিবিরে। আশীর্বাদ করো।

শু শু আমি, আমি আর আমি। এই দীনতা, এই অহংকার, আশীর্বাদ  
করো। যাকিছু রইল বাইরে আমার, যাকিছু চাইল আলো, যাকিছু চায়নি  
আলো এখনো, আশীর্বাদ করো।

তুচ্ছতায় রয়েছ তুমি, অপূর্ণতায় হেদেছ তুমি। তোমাকে ভালোবাসার  
প্রচণ্ড স্পর্শ আমার, আশীর্বাদ করো।

ছটি কবিতা

ভানুপদ রায়

ঈশ্বরপ্রতিম

সব নারিকেলতরু স্থির, জ্বলি ক্ষীণ আন্দোলনে  
এদের সম্মতি নেই। নিশ্চিত বড়ের পূর্বাভাসে  
ঈশানে জ্বলি মেঘ, তবু স্থির অন্ধকার আসে,  
আসে অন্ধকার, শূন্য অন্ধরুটি, জীবনে-মরণে।  
আমি এই অন্ধকার কিংবা মৃত্যু কিংবা সনাতন  
ঈশানের পৃথমে প্রার্থনা করিনি; দিনশেষে  
তবু এই অধীনের মলিন অঞ্জলি গেলা ভেসে,  
প্রাণিত সচ্ছল স্রোতে বৃষ্টিধারা ভালালো গগন।

কে তোমাকে সব দিলো; এই স্মৃতি ক্রান্তমেঘভার  
গোধূলির তীর বৃষ্টি, জ্বলিত অস্পষ্ট পৃথিবী;  
উর্ধ্বগ্ৰীব নারিকেল, বৈচিত্রন, রূপ উইটবি,  
প্রাণনে ভাগালো সব, সব সীমা, তীর স্রোতধার,  
বাইরে ত্রিভুবনময় অন্ধকার মুখর অসীম,  
কেউ কাউকে ডাকবে না, এই বৃত্ত তোমার একার,  
এই জ্বলময় দীপ, এই বড়-জল-অন্ধকার  
দিগন্তে বিছাংলতা, গাথা, দীপ্তি ঈশ্বরপ্রতিম।

মালিনীর প্রতি

ঘোবন সন্ন্যাসে এসে দাঁড়ায়ে না; দুঃখ যথা স্মৃতি,  
বর্তমানে প্রবাহিত; যথা গ্রামপ্রান্তে স্রোতস্থিনী



কবিতা

বর্ষ ২৪, সংখ্যা ৪

তীরবর্তী স্পন্দমান—অহরূপ থাকো ; হে মালিনী,  
তোমার মালঞ্চ হতে একটি সুহৃৎ শুধু শ্রীতি-  
উপহার দিতে পারো। কোনোদিন গোখুলির তীরে  
চিত্রাঙ্গিত অলিন্দে দাঁড়াতে পারো ; উজ্জল দুর্গাশা,  
অথবা বসন্ত কালে নগরীর প্রান্তে ফিরে-আসা  
কীপায় দাক্ষিণ্যে থাকো। আবর্তিত বিখ্যাত সমীরে।

এতদিন এত যত্নে কী ফোঁটালে, পদ্ম না পলাশ ?  
যা-কিছু ফোঁটাও তুমি সাজিতরা তোমার একার,  
এই ক্লান্ত জনপদে চিরায়ত স্মদীর্ঘ যাত্রার  
আমি অহুগামী মাত্র, আমি জীবিকার কণীতদাস,  
অহাশ্রয়ী ; প্রতিদিন তোমার কাননে, হে মালিনী,  
ফুটক বিবিধ পুষ্প। তুমি থাকো। অন্তরালে দূর,  
ধূসর দিনের উর্ধ্ব চিরস্থায়ী লাভণ্যে মধুর  
শ্রীতিবহ ; তুমি থাকো। স্বতীময় স্বপ্নাভ কাহিনী।

কবিতা

আবাহ ১৩৬৭

সেবা

মোহিত চট্টোপাধ্যায়

এবার কেহ এসে নিবিড় ভালোবাসুক।  
উষ্ণ-শীতল, লুন্ধ-ফিকে, শাদা-কালো  
অনেক রকম পা ফেলেছি চতুর্দিকে ;  
উপবনে গন্ধশিকার ক্লাস্ত করে।

হাতের কাছে ফুটক কেহ আপন তাপে,  
অঞ্জলিতে নয় হৃদ্য নিরতিমান।  
বৃকের তলে ছায়া দেলাক নীল জলাশয়  
ঢেউ যেন না দুর্বিনীত আগের যতো।

ভেকো না সেই উজ্জসিত রণাঙ্গনে  
যুদ্ধ বড়ো নেশায় নাশায়ক, রাহ  
উষ্ণ ক'রে কীপায় বড়ে, অজ্ঞাঘাতে  
লুপ্তিত শোক ধূলায় রচে ঘোর বিরহ।

অখটিকে দাঁও ছেড়ে নীল দূরের মাঠে ;  
শাখায় মুছ ফুটছে পাতা, ঠাণ্ডা খুশি।  
হঠাৎ ভালো লাগে সেবা, জানি না তো—  
কতক্ষণ এ-তীব্র নেশা ; স্থির জলাশয়  
কতক্ষণ যে ধরবে ছায়ার পরমায়ু।

জল, ভূমণ্ডল, আত্মা—

## অলোকরঞ্জন দাশগুপ্ত

‘আত্মার বয়স কতো, মাঝিভাই?’ মধ্যরাতে উঠে  
 রমেন জিজ্ঞাসা করে : ‘তুমি কি কখনো করপুটে  
 আত্মা রেখে তাঁর উত্তাপ গ্রহণ করেছো? বসো তাঁর  
 বাহির শীতল কেন? যেমন এন-দীর কিনার,  
 নিঃশাঙ্ক, মহল ছুঁখে রা কাড়ে না, তেমনি আত্মার  
 নয় প্রচ্ছদপট? সে-সলাট যদি যেতো টুটে  
 তবে কি রবীন্দ্রনাথ মরতেন না শব্দী মৃত্যুতে?’

আকাশগঙ্গা

নবনীতা সেন

বৃথা চিন্তা ছেড়ে দিয়ে আকাশে তাকাও।  
 পবিত্র, বিমুক্ত, বুদ্ধ, অশোক অসীমে  
 সিদ্ধর সানুজা ছাখো, তরলিত তার।  
 একে-একে হুলে ওঠে।

আকাশে তাকাও,

মধ্যরাতে দিবারত্ন এমন বিদেশ  
 সহসা বাজাবে ধটা অকালবোধনে।

অরণ : ইন্দিরা দেবী চৌধুরানী

ইন্দিরা দেবীর জীবন ও সাধনাকে ধারা জোড়াসাঁকো ঠাকুরবাড়ির সঙ্গে  
 জমাখুঁজে সংলাপ একটি হুরেলা যন্ত্র হিসেবে দেখেন, বর্তমান লেখক তাঁদের  
 অহুপন্ন নন। একথা বলে ইন্দিরা দেবীর ভৌগোলিক তথা ঐতিহাসিক  
 প্রেক্ষণীটিকে আমি অস্বীকার করছি না। শুধু এই কথাটাই স্পষ্ট গলায়  
 উচ্চারণ করতে চাই, গুরুকম বিচার আপেক্ষিক ত্রো বটেই, উপরন্তু  
 বহির্বিবেকী।

এর কারণ তাঁর ব্যক্তিত্ব, এবং সেই ব্যক্তিত্বের চাহিদা। স্বজনের চেয়েও  
 সৃষ্টিরক্ষার বেদনা, উদ্ভাবনার চেয়েও শুশুখার দায়িত্ব যে বড়ো কম নয়,  
 সেকথা তিনি প্রয়োগসিদ্ধরূপে বুঝেছিলেন। সৃষ্টি বলতে অবশু তিনি রবীন্দ্র-  
 বিভাবনের প্রহ্নসম্ভারকেই বুঝেছিলেন। সৃষ্টিসংরক্ষণের ক্ষেত্রে তাঁর ছিলো  
 জ্ঞানমিশ্র ভক্তিবোধগীর ভূমিকা।

জ্ঞানার্জন তাঁর বিশ্বয়কে মননে পরিণত করেছিলো। রবীন্দ্রনাথ কথা  
 বলেছেন প্রত্যক্ষ ধ্যান থেকে, প্রথমে চৌদুহী—অনেক সময়েই—ব্যকপোল-  
 নিবীত ধারণার বশে। ইন্দিরা দেবী কিছু সমস্ত কিছুই সংজ্ঞা থেকে আবার  
 করতেন। এই সংজ্ঞাসন্ধিসা থেকেই তাঁর এত যথাযথ হবার পরিপ্রশ্ন,  
 অহুখন্দ স্বচ্ছতায় উপনীত হতে চাওয়ার তাগিদ।

তাঁর স্বরলিপিতেমনার মূলেও সেই একই প্রবণতা কাজ করছে। রবীন্দ্র-  
 সংগীত-শিক্ষার্থীর স্বৃতিতে তিনি স্বরলিপির সার্বভী হয়ে নিরাজ্জ করবেন।  
 গানের পবিত্রতা বজায় রাখবার পর্যাঙ্কনে স্বরলিপির উপযোগিতার কথা  
 জোর করে বোঝানোর দরকার করে না। সে একরকম স্বতসিদ্ধ প্রত্যয়  
 বলা চলে। কিন্তু ইন্দিরা দেবী সিদ্ধান্তে আসবার আগে আবার ভালো ক’রে  
 ব্যাপারটাকে বুটিয়ে দেখে নিতে চান। তাই বৈশিক এবং মার্গমিক পদ্ধতির  
 তুলনা করতে গিয়ে তাঁকে বলতে হয় : “পাছে কেউ মনে করেন যে আমি  
 গায়ের জোরে একথা বলছি, সেইজ্ঞক আমি স্বরলিপির মূল উপাদান একটু



বিলেপন করে দেখাতে ইচ্ছা করি।...ঋতিগোচর স্বরকে প্রথম দৃষ্টিগোচর ও পরে কঠিন ও ম্লান ক'রাই স্বরলিপি'র মূখ্য উদ্দেশ্য, একথা সর্ববাদিসম্মত। আমি যা কানে শুনিছি, কোন চিহ্ন বা অক্ষর দ্বারা সেটিকে এমন বিশদভাবে লিখতে হবে, যাতে সেই লিপি দ্বারা অপর-বারা কানে না শুনেছে, তারাও লিখিত স্বরটিকে অবিকল গলায় বের করতে পারে।"

তীব্র এই সতর্কতার সন্দেশেই তিনি রবীন্দ্রসংগীতের মুখোমুখি হয়েছিলেন। "ভাঙ্গা গানের তালিকা" রচনা ক'রে রবীন্দ্রনাথের গানে অপরূপ স্বরের ধারা এবং ভাবধারার প্রভাব নির্ধারণ করেছিলেন। কাজটি যে কতোখানি শ্রমসাধ্য, তাঁর "রবীন্দ্রসংগীতের ত্রিবেণীসংগম" নামক প্রামাণিক পুস্তিকার সূচক বিচার দেখে একথা ক'জন বুঝবে, জানি না। কিন্তু ধারা কখনো-না-কখনো তাঁর কাছাকাছি এসে পড়েছেন, তাঁরাই জানেন, মরণ এতটুকু শিল্পরূপে পৌছবার জগৎ কী অমিতপরিমাণ কাঙ্ক্ষা তিনি ক্ষয় করতেন! এক স্তবকের একটি গানও কেউ কখনো তাঁর কাছে একদিনে শিখে উঠতে পেরেছেন কিনা, আমার জানা নেই। কারণ প্রতিটি পংক্তির প্রচ্ছায়া, প্রত্যঙ্গের স্থাপত্যের সঙ্গে তিনি তাঁর শিক্ষার্থীর সান্নিধ্যসাধন করাতেন। ফলে হয়তো একটি চরণ শিখে নিতেই একটি দিন কেটে যেত।

ক্রমবধিষ্ণু জনপ্রিয়তার সঙ্গে-সঙ্গে রবীন্দ্রসংগীতের নায়কী আর গায়কীর অনিবার্য ব্যবধান ছুত্তরতর হচ্ছে। শহরের অলিতে-গলিতে নিতানতুন গীতায়তন গুলিতে পল্লবগ্রাহকদেরই নৈরাজ্য। অতীতকে রবীন্দ্রসংগীতের বিশেষজ্ঞদের নিজ-নিজ সংস্থারের অসেতু স্বরাজ। আবার, রবীন্দ্ররচিত গানের অহুশীলনের পথে নিশ্চয় "যতো মত ততো পথ" নীতি খাটে না। ইন্দ্রিরা দেবী তাঁর স্বাভাবিক ও স্বগভীর অসন্তোষ নিয়ে রবিপ্রদক্ষিণপথটিকে পরিচ্ছন্ন রাখতে চেয়েছিলেন। এ বিষয়ে তিনি শাস্ত্রিদেব, শৈলজারঞ্জন কি অন্যাদি দৃষ্টিদার কারো মতামতই তুচ্ছ করতেন না, পরন্তু তাঁর শিষ্ণুপ্রতিম

১ নায়কী—পুঁথিগত বিদ্যা, শাস্ত্রনিহিত তত্ত্ব।

গায়কী—প্রঙ্গুশ্রী বিদ্যা, শিক্ষকনির্দেশিত-বা ব্যক্তিসাপেক্ষ প্রয়োগরীতি।

সত্যীর্থদের প্রবর্তিত গীতরীতি ও স্বরলিপি সংক্রান্ত যে-কোনো সংবাদই তাঁর কাছে সম্মেহ বিবেচনা লাভ করেছে। কিন্তু, অন্তিম বিলেপণে, তিনি ঠিকই বিভিন্ন পন্থার মধ্য দিয়ে পথ কেটে সেই রাজপথে এসে দাঁড়াতেন, যার নাম রবীন্দ্রসংগীত। আর স্বরলখনশুদ্ধিই ছিলো তাঁর সেই আজীবন-অম্লহৃত মন্ত্র যার সাহায্যে তিনি এই পথে সিদ্ধিলাভ করেছিলেন। ইন্দ্রিরা দেবী শিল্পকে বিজ্ঞানের মধ্যবর্তিতায় অবিকৃত রাখতে চেয়েছিলেন। রবীন্দ্রসংগীতের নায়কী ও গায়কীর একটি মায়ামাঙ্গল্যক মেলবন্ধনে তিনি বৈজ্ঞানিক মনোভঙ্গির পরিচয় দিয়েছিলেন।

কিন্তু তাঁর এই সব কঠিন কার্যশ্রী যখন বৃথি, সেই স্বচ্ছন্দ ছাড়াবাহার তাঁকে আমি আরেকভাবে জেনেছিলাম, আরেকভাবে নিবিড় শ্রদ্ধাজ্ঞাপনের অপ্রতিহত স্বেগে পেয়েছিলাম। শান্তিনিকেতন পাঠভবনের সামান্য একজন বালক হলেও ঔৎসুক্য দিয়ে তিনি আমায় সম্মানিত করেছিলেন। সেই বসে-থাকার নিবিষ্ট জাগর ভঙ্গি, সেই মুকল-ঝরানো আলাপচর্চা আমি কিছুতেই ভুলতে পারবো না। আর যখন এই স্মৃতিরেখা ঝাঁকতে বসেছি, তাঁর শারদীয় মুখমণ্ডল বাঁংবার এসে আমাকে অচলমনস্ক ক'রে দিচ্ছে।

অলোকরঞ্জন দাশগুপ্ত

[ পরপৃষ্ঠায় গ্রাহকদের প্রতি নিবেদন দ্রষ্টব্য ]



## গ্রাহকদের প্রতি নিবেদন


'কবিতা'র এই আষাঢ় সংখ্যার সঙ্গে আপনাদের বর্ষ ২৪-এর চাঁদা নিশেচিত হলো। বর্ষ ২৫-এর প্রথম সংখ্যা ( আশ্বিন, ১৩৬৭ ) আপনাদের ডিসেম্বর মাসের প্রথম ভাগে প্রকাশিত হবে। আমাদের বিশেষ অহরোধ এই, ২০শে নবেম্বরের মধ্যে আপনাদের নতুন বছরের চাঁদা ( চার টাকা, রেজিস্টার্ড ডাকে ছয় টাকা ) মনি-অর্ডারযোগে অহরোধ করে পাঠিয়ে দেবেন। ধারা গ্রাহক থাকতে আর ইচ্ছুক নন, তাঁদের নিষেধাজ্ঞাও ঐ তারিখের মধ্যে পৌছনো দরকার। চাঁদা বা নিষেধাজ্ঞা ধারা পাঠাবেন না তাঁদের প্রত্যেকের কাছেই আশ্বিন সংখ্যাটি বাধিক মূল্যের ভি. পি. ডাকে আমরা পাঠিয়ে দেবো; মাওলগমেত খরচ পড়বে পাঁচ টাকা, ধারা রেজিস্টার্ড ডাকে পত্রিকা মেনে তাঁদের পক্ষে সাত টাকা। ভি. পি. ডাক ব্যবহার করতে হলে আপনাদের ব্যয় ও আমাদের পরিশ্রম অনেকটা বেড়ে যায়, উপরন্তু ভি. পি. ফেরৎ এলে আমাদের যা আর্থিক ক্ষতি ঘটে তা তুচ্ছ নয়; অতএব পুনশ্চ অহরোধ জানাই যে কোনো কারণে চাঁদা যদি যথাসময়ে পাঠাতে না পারেন, অন্ততপক্ষে ভি. পি. প্যাকেটটি ফেরৎ দেবেন না। মনি-অর্ডারে চাঁদা পাঠাবার সময় নিম্নোক্ত নিয়মগুলি অহরোধ করে মনে রাখবেন :

- (১) রূপনে নাম, ঠিকানা ও গ্রাহক-নম্বর স্পষ্টভাবে উল্লেখ্য।
- (২) নতুন গ্রাহকেরা "নতুন গ্রাহক" কথাটি রূপনে লিখে দেবেন।
- (৩) যদি ইতিমধ্যে ঠিকানার বদল হ'য়ে থাকে, নতুন ঠিকানাটি রূপনে বা স্বতন্ত্র চিঠিতে লিখে জানাবেন।

নমস্কারান্তে,

বুদ্ধদেব বসু  
সম্পাদক, 'কবিতা'  
কবিতাভবন

২০২ রাসবিহারী এডিনিউ, কলকাতা ২০



আপনি ঠিক যা চান


## কল্যাণীতে

নিজের বাড়ী হলে তাই পাবেন

কল্যাণীতে জমি কিনতে পারেন মাত্র মূল্যের এক তৃতীয়াংশ আগাম ও তারপর সহজ কিস্তিতে টাকা দিয়ে।

কল্যাণীতে নগরজীবনের সকল সুবিধাই পাবেন। খোলা মাঠ, মুক্ত বাতাস আর অল্প ভিড় কল্যাণীর বিশেষ আকর্ষণ। তা'ছাড়া কলকাতা থেকে কল্যাণী মাত্র ৩৫ মাইল দূরে।

বিশদ বিবরণের অস্ত্র লিখুন: কল্যাণী সেলস প্রমোশন অফিস—১৮৮-এ রাসবিহারী এডিনিউ, কলিকাতা ২২ — ডেভালপমেন্ট ডিপার্টমেন্ট, রাজভবন, কলিকাতা ও পাবলিক রিলেশনস অফিসার, কল্যাণী, জেলা: নদীয়া।





KAVITA, Vol. 24, No. 4, Serial No. 102

---

KAVITA

( Poetry )

Vol. 24, No. 4

Serial No. 102

Yearly Rs. 4/-, or 6s. 6d. or \$ 1. 50  
Rupee one per copy

এক টাকা

Published quarterly at Kavita Bhavan, 202 Rashbehari Avenue,  
Calcutta 29, India

Editor & Publisher : BUDDHADEVA BOSE

---